



01928

莆風清籟集卷十五

德清徐瑋

漢陽張蕓蔣圃

里中後學鄭王臣慎人一字蘭輯選

同里宋殿對宗萬校閱

明八

陳伯獻八首

字惇賢弢治已酉鄉薦第二已未進士歷官廣

西提學副使有峰湖集林懋揚云先生詩亦有

莆風清籟集卷十五

利木山雲各極奇峭

蘭陵詩話峰湖居諫垣日因疏逆瑾罪削職瑾
敗起視學粵西以母老乞終養結茅蓮花峯下
游情藝苑興致翻々文追南豐高宗摩詰詩品
亦在錢劉之間

宿化州公館

萬峰深處百泉灘。斷雁疎砧送早寒。樹色暗隨山館合。
秋聲偏傍客衣單。昌黎漫道潮陽遠。太白空歌蜀道難。
落日不堪重上馬。五雲何處是長安。

九日陪諸公登東山

石巔閒步晚雲飛。極浦平汀遠樹微。落日蟬催殘暑退。



空江雁帶早涼歸。清尊有意留歌扇。黃葉無心點客衣。
欲約山靈頻到此。如今多長故山薇。

落花次林見素韵

錦瓣離襟畫漸遲。社邊消息燕先知。閒將五蟻臨風處。
倦倚闌干待月時。墮速可能辭舊蒂。飛遲猶似戀空枝。
習家春盡何人醉。忍委芳心與後期。

綠肥紅瘦綺寮前。妬雨沉陰咽管絃。隋苑林空仍綴綵。
洛陽擔弛不論錢。蝶衣帶粉傷新緒。燕寢凝香結舊緣。
榮落乘除還宿數。臨風無用一惓然。

甫風清籟集卷十五

登雨花臺

帶郭林巒屬上方。寶幢說法事茫茫。荒臺僧去天花盡。
古殿春來貝葉香。煙洗江關開楚越。雨新碑碣認齊梁。
白蓮惠遠能延客。細炷爐熏話日長。

自潮州至清溪

潮陽十日到清溪。零落人家碧草齊。積雨長流渾瀑漲。
荒郊極海晚山低。深秋毒霧沙虫聚。侵曉叢葭越鳥啼。
正是客舟聞寂處。不堪吟倚夕陽西。

江西城下書所見

南浦朝來霧氣收。西江高枕楚江流。洪都地勢連彭蠡。
賈客船檣半贛州。許遜廟祠猶劫火。滕王樓閣已墟邱。
剗犀更憶豐城劍。誰識龍光射斗牛。

分守到廉州途中書事

計日星軺度遠岑。西風旅思費長吟。山多不礙歸家夢。
地僻猶懸戀闕心。嶺外草黃生毒瘴。海門日出破層陰。
還珠合浦留清譽。誰料遺殃直到今。

柯英一首

字汝傑號西坡弘治己未進士官徽州知府

青風清籟集卷一五

三

謁陳忠烈祠

高山頻仰止。遺祀儼葱珩。昔頌天王聖。今知臣節明。綱
常千古重。膚髮一絲輕。夙夜前修在。齋心薦杜蘅。

李廷梧九首

字仲陽弘治己未進士授桐鄉知縣擢御史遷
大理寺左丞有壺塘集

蘭陵詩話壺塘為諫官獨持風裁坐忤逆瑾繫
獄其詩清麗芊綿源出西崑

題畫

柔風散澄波。繁花遍春渚。江亭夕氣佳。幽人方晤語。橋

首見冥鴻飛遊渺何許

送人休致

漫將春浪浣塵衣。天馬如今不受鞿。獨客豈堪千里別。
故鄉初見一人歸。薰風驛路黃鸝語。細雨湘雲紫蕨肥。
回首都門天萬里。江湖應有寸心飛。

無題次李商隱韵

玉人蕉萃倚春風。悵望君恩太液東。絡闕地清心自遠。
蓬山路迥夢先通。篋餘懶體眉顰翠。庭約桃花鞞襯紅。
誰信龍樓絃管地。朱顏容易變霜蓬。

昔風清籟集卷十五

四

雲鬟霧鬢擅春風。步下香塵玉殿東。瑤瑟鼓餘天亦動。
錦書寫就鳳為通。月頭例給金錢重。寒食羣分蠟炬紅。
今日繡窓秋夜永。自舒纖指擘蓮蓬。

為雨為雲不記蹤。每扶殘夢起初鐘。長門畫揜蒼苔老。
仙掌秋擎玉露濃。院中御牀施玳瑁。年下越女采芙蓉。
夜闌隱約聞歌管。知在珠簾第幾重。

春去春來不見蹤。綉窓晴曉聽疎鐘。篋中賜服雲霞爛。
天上鴻恩雨露濃。澹浦月明閒珮玦。瑶池秋冷浸芙蓉。
多情惟有陽臺夢。曾到巫山十二重。

寂。情。懷。遣。獨。難。臨。春。樓。下。漏。聲。殘。被。池。夢。冷。香。藕。凋。
兩。線。愁。深。滴。不。乾。初。吐。杏。花。酣。曉。露。乍。眠。宮。柳。怯。春。寒。
粧。奩。舊。錫。金。鈿。在。竊。避。諸。妃。掩。淚。看。
天。家。未。慣。識。艱。難。只。訝。芳。年。鬢。易。殘。閒。夢。興。時。多。纏。繆。
愛。河。何。日。亦。枯。乾。寶。牀。湘。簾。侵。肌。冷。玉。腕。梨。漿。冰。齒。寒。
莫。恨。雁。來。音。信。少。縱。傳。音。信。若。為。看。

彈琴

援琴寫流水。流水答清響。空山閒無人。月在松枝上。

吳希由

三首

昔風清籟集卷十五

五

字約中號臨淵弘治己未進士歷官四川兵備

副使

白塘遊宿次韻

有約已經歲。白塘今始遊。光陰驚荏苒。身世任沈浮。放
棹天連水。釣簾月上樓。主翁情不極。信宿更淹留。

願晦社會溪閣次來韻

入壘尋舊約。刻竹記新題。苔點龍頭石。流不燕尾溪。不
好甘葦菜。薄分合盞齏。塵鞅何時遣。東鄰卜共棲。

臨浦齋招會中諸友

荷衣藜杖鹿皮冠。掃徑迎賓水石間。莫向尊前惜沉醉。百年容有幾時閒。

林季瓊 二首

字時獻號他石弘治己未進士官廣東道御史

次願晦招會囊山韻

秋郊曉色晴。嘯咏囊山麓。翛然脫塵喧。方外連宵宿。虎溪遶松闕。龍潭森石竹。携僧共賞音。海月寂磻谷。高人鳴古調。隱。猗蘭馥。閒興浩未涯。輿人催歸速。光陰相代謝。一迅如轉轂。辟穀覓竒方。赤松有仙躅。

蒲風清韻集卷十五

六

次同年豐五溪學士答山齋宴集溪聲閣韻

奚奴隨處錦囊携。古刹荒邱路轉迷。野鶴不驚佳客到。白雲長伴老僧棲。蒼崖景寂溪聲遠。午夜月明山影低。莫道茲遊殊草草。他年掃壁覓留題。

林茂達 四首

字孚可弘治壬戌進士官右副都御史南京大

理寺卿有翠庭集

蘭陔詩話嘉清初莆中者英七人結逸老會林都憲翠庭年七十五林高士願晦吳憲副臨淵年俱六十七林御史他石宋大尹友泉年俱六十五林憲副寒谷年六十四鄭侍郎山齋年六

十三命工繪為圍山齋作記寒谷題詩云七人
四百七十歲真率衣冠皆白鬢續又增林侍郎
省吾李寺丞壺塘諸老皆鄉國之望各享遐齡
刻有逸老會詩集真佳話也

秋居漫興

投簪歸舊隱。松菊未全荒。老去親知少。閒來晷刻長。懶
雲屯野徑。活水湛方塘。簾捲催詩雨。床頭酒氣香。

讀淮陰侯傳

帶礪盟寒舊業空。將壇寂寞幾西風。中原草樹霾秦鹿。
雲夢旌旗出漢宮。人代古今竇淚眼。王侯天地一樊籠。
赤松始識神仙侶。地下無慙黃石公。

蒲風清籟集卷十五

七

懷蜀藩臬諸君子

長江濯錦憶同遊。駟馬驕嘶萬里秋。候火烟沉公事少。
郵筒酒滿客懷幽。浣花春水三千頃。僊館西風十二樓。
寂寞孤燈起遐思。一尊誰與泛蓮舟。

社會平綠次鄭山齋韻

平綠亭臯數畝園。涉來時自命琴尊。白雲滿地無行跡。
松月當階鶴候門。

花入芙蓉秋欲殘。石湖風動水雲寒。不知靖節歸來徑。
松菊追陪幾度看。

林塾一首

字從學弘治壬戌進士官浙江右叅議有石泉集

蘭陵詩話石泉在浙藩日市菜一把人稱菜林昔裴俠守河北食鹽菜稱獨立使君林竹庄守蔚林亦稱鹽菜林清介之操先後一致詩非所長亦不可不錄也

題釣臺

偶爾清溪覓釣磯。桐江春水正魚肥。當年若受君王寵。便入人間有是非。

林嘉績一首

莆風清籟集卷十五

字汝儀號願晦弘治中布衣

林志道云願晦詩

平實而繩墨矩矱不踰尺寸

會溪閣

草閣鷗洲上。春光待品題。花香盈几榻。樹影半山溪。茶試雲根液。盤堆野蕨齏。不嫌郊郭寂。水月共幽棲。

林富一首

字守仁弘治壬戌進士授大理寺評事忤劉瑾

繫獄謫潮陽丞尋落職瑾誅起袁州府同知歷

陞兵部右侍郎兼右僉都御史總督兩廣軍務

有省吾遺集

蘭陵詩話省吾守處州日平湖寇見素有詩書之云家承自謂惟夷簡間奇客知更謝玄總制二廣日陷思田叛蠻七萬衆勦八寨強賊獲甲首三千平會亭寇斬獲四千有奇旬日克七十四寨嘗誦罷採珠廉人德之建祠以祀其孫北柯為處州太守薦漢相下作碑行以述祖德廉人至今傳為美談云

獄中與王陽明講易

浮雲何黯澹。淒風生暮寒。微臣雕朽質。豈敢惜摧殘。守法奉明主。時哉良獨難。詔書忽來下。械繫天牢間。天牢相曉暮。寤寐摧心肝。同患有儔侶。幸接心所懽。王通攬名理。講易清夜闌。夜闌忽有得。明寸心丹。且保洵沫命。旋當叩天闕。庶幾浮雲滅。恍惚見天顏。

青風清籟集卷十五

九

張廷槐一首

字文相弘治壬戌進士官潮陽知縣

白紵秋歌

銀河影澹飛烏鵲。金井梧桐葉初落。昨宵玉露轉淒涼。楚練越羅愁輕薄。哀絃急管夜不休。何處踈砧入樓閣。更長漏永無盡歡。明月徐徐下簾幙。

徐元稔一首

字明嘉弘治壬戌進士官兵部郎中

對菊次韻

曠色寒威傍晚簷。小齋獨坐看洪纖。秋光過眼黃花少。世事驚心白髮添。別久思家無鴈到。憂深筮易有龍潛。風塵擾々鯨何日。濁酒幽香意未嫌。

馬思聰 十一首

字懋聞號翠峯弘治乙丑進士授象山知縣陞戶部主事奉命至江西死宸濠之難贈光祿寺

少卿謚忠節

莆風清籟集卷十五

十

蘭陔詩話公與孫燧許達黃宏俱為寧庶人所害忠踰白日義凜秋霜詩編惜已散失無傳莆陽全書僅載諸暨署中一律余從敗楮中得公詩三十餘首半為蟬魚所蝕不可復辨錄其可讀者得十一首不啻如獲珊瑚鈿也

咏史

子卿閉絕域。引領望長安。長安隔雲日。萬里摧心肝。節旄猶可杖。霜雪未為寒。九死不可奪。一片老逾丹。歸來典屬國。十載未遷官。夾道車生耳。佩玉聲珊珊。富貴人自有。功名世所難。

諸暨署中

日永渾無事。花間伏枕眠。雨聲寒竹簾。春色掛蒲鞭。邑
小稀民訟。官閒愧俸錢。風流愛單父。秋水瀉鳴絃。

平鄉即事

滿眼干戈急。春城罷管絃。七閩遲候雁。萬里暗烽烟。白
羽縱橫日。黃巾猖獗年。憑誰清渤海。解劍事春田。

謝友人惠菊

秋色初搖落。離菊數莖正。懷君子操。相贈故人情。帶
月香逾細。含霜影獨清。東籬君不厭。誰似晉淵明。

登滕王閣

蕭風清籟集卷十五

十一

高閣臨章水。乾坤一眺間。人疑依北斗。氣自爽西山。舟
楫通千里。風雲接百蠻。東南勞轉餉。無夢不鸛班。

鄱陽舟中

為郎淹歲月。奉使出吳關。三楚浮雲外。孤帆落日間。湖
空吞夢澤。波湧壓廬山。翹首長安道。何時謁聖顏。

獄中

蕭條一片地。六月暗飛霜。駢首衣冠盡。捐軀俠骨香。天
猶驕七國。險已失三湘。死矣甘吾分。君恩不可忘。

秣陵寄懷陳鳴韶兵部兼柬諸年丈

北望長安落日黃。周郎留滯憶仙郎。觀中明。天。懸。蒸。
臺上春雲抱鳳凰。空有聲名稱傲吏。媿無勲業答君王。
詼諧不少同。升客諫獵何人在。建章。

望廬山

鄱陽秋水浸蕙葭。騁望初停使者檣。拳抱香爐虧日月。
洞開白鹿卧雲霞。憂時漸覺心如醉。未老那堪髮有華。
欲向虎溪尋舊事。風塵不敢問蓮花。

豫章呈孫開府

曾銜恩命布陽和。使節重臨楚水阿。廬岳風雲迎露冕。

蒲風清籟集卷五

十一

洞庭烟雨肅千戈。時免全仗大臣節。才薄空慚四牡歌。
幾欲抽簪尋舊侶。簡書珍重不違他。

寄鄭繼之

鄒谷才名起鷓鴣。驪歌一別事長途。腰間報主青萍劍。
望裏懷人明月孤。煙塞霜寒來候雁。石池雨過淨菰蒲。
江南正爾飛芻急。未可扁舟問五湖。

黃鞏十五首

字伯固。弘治乙丑進士官兵部郎中。抗疏諫。

巡予杖削藉嘉靖初起為大理寺丞。天啓初。

贈大理少卿謚忠裕有後峰集鄭抑齋云後峯獵涉廣博渾涵

存真意宏肆成一家言曹秋水云后峯削去鉛華獨

蘭陵詩話公之召為司馬郎自題行篋云茅屋石田為生太拙鵝夷馬草自許何愚入都首抗

疏爭南巡及請誅江彬車駕即陸震見其疏即碎已疏草願同署名疏入彬大恨連繫詔獄五

日三訊杖百餘時同受杖者舒芬林大輅等一百有七人死杖下者陸震何遵等十有一人于

是京師連日陰霾晝晦玉河水自溢高橋四尺許橋下七鐵柱齊折天怒亦可畏矣

散步

散步下空庭。涼風吹煩抱。白日忽已西。流光何草之。庭花似有情。相對久逾好。花前最憶誰。悠悠在遠道。遠道

青風清籟集卷十五

十三

不可期。徒傷令人老。

題畫

春山澹無姿。春雲濕將雨。隔林有人家。知是雲深處。雲深山徑微。欲往疑無路。不如山中人。只在中山住。

待罪有作

圖報慚無術。因人漫有言。半生今許國。萬死敢祈恩。海外諸兒遠。天涯一弟存。問心應不愧。俯仰任乾坤。

蘭陵詩話金華陸汝亨震和韻云驪尾思千里。葵心託萬言。一身曾許國。九死敢忘恩。梅福冠。猶在朱雲櫪。不存空庭對明月。古道照乾坤。二公詩一字一血。工力悉敵。陸號白鶴山人。后峯

歸田後築招鶴亭作詞以招之

蜀晚畢日送鎮撫司問次前韻

自託匡時畧。翻成出位言。倉皇傳後命。曠蕩復新恩。社稷諸公在。形骸一息存。不禁雙淚下。灑灑灑乾坤。

脩董孝子墓

孝子不可見。茫茫土一邱。身曾當日賣。墓有後人脩。雪暝山疑合。湖空水自流。渚蘋聊薦爽。回首寄深憂。

謁穎考叔墓

封人千載後。坏土覆孤墳。天下誰無母。如公亦愛君。黃

昔風清籟集卷十五

十四

泉歌大醜白谷翳寒雲。曠世予心感。西風日又曠。

重九夜直西臺

九日西臺夜。清尊空復情。踈鐘來遠寺。微雨下深更。人與黃華瘦。秋香落葉輕。十年湖海夢。燈下若為明。

冬日書懷

獨立蒼苔裡。悠悠一轉蓬。風塵連歲儉。湖海又塗窮。野曠飛鳶急。沙寒落雁空。思君何處所。斜日下簾櫳。

送郭德玉之官宜春

長亭尊酒為誰携。門外天涯望欲迷。萬里相看秋色裏。

一官獨向大江西。蒹葭水國連雲樹。風雨重陽送馬蹄。
此去預傳消息好。心勞撫字慰烝黎。

偶成

三十功名四十歸。山林已自落塵機。罪當萬里投荒服。
思許終身作布衣。雨宿風餐歸路棘。東封西祝諫書希。
扁舟不道江湖遠。回首燕雲是帝畿。

吊岳武穆初墓

棲霞嶺下吊忠魂。舊事傷心不忍論。當世共知秦老筆。
至今長抱楚州冤。百年山斗留遺像。十畝松楸護寢園。

莆風清籟集卷十五

十五

猶有孤臣埋骨地。澹煙衰艸沒荒村。

芋原發舟

西風又作扁舟客。沽酒沙頭對夕暉。岸轉青山背人去。
江空獨鳥向誰飛。十年塵迹今衰鬢。九月嚴霜尚袂衣。
望極紫宸天萬里。未容回首戀柴扉。

登西臺望金華

不見崔人陸汝亨。金華南望淚縱橫。自從慟哭西臺後。
二百年來無此聲。

仲春寫懷因寄林以乘

竹下花前漫酒尊。不知今日是春分。金華亭陸汝老去處

陵林以遠望極江天空暮雲

游羊原鼓山洲

閒却扁舟繫柳根。采芳又上樂游原。蒼茫獨立斜陽裏。日送江流到海門。

鄭應祚一首

字儀錫號東牕弘治中歲貢官楚府紀善

蘭咳詩話東牕著作鮮傳味螢一詩辭雖未工有冥冥修行意可以覘其人品矣

螢

蒲風清籟集卷十五

微茫雨夜看流螢。上下隨風耿。星欲得照人無氣力。暗飛一點自生明。

鄭薇一首

字與垣承佐孫弘治中諸生有刻楮集林懋揚云與垣

寄籍江右好苦吟詩多窅渺之音如樓閣葉上三更雨蟋蟀聲中一點燈此種佳句未易多得

江行即事

極浦潮生日欲斜。孤蓬渺渺在天涯。不知行盡春多少。開遍沿江菜子花。

周宣六首

字彥通弘治乙丑進士除常德推官擢監察御史巡按山西諫南巡予杖出為山西提學副使遷廣東按察使陞左布政罷歸有秋齋集

蘭陵詩話秋齋諫南巡跪烈日中五日不死後以議禮忤宰臣坐事免歸開圃鑿池引流壺噉終日觴咏精染翰求者無不應之又喜賓客內子恒捐珥給餉論文談奕日高春笑語融忘其貧婁儒雅風流至今人稱之其詩氣骨清峭亞于翠渠

題狄武襄廟

何代乘箕去。孤城尚故祠。風雲餘壯氣。貔虎識雄師。古鐵生時面。奔雲祭後旗。莓苔春雨暗。莫蝕座前碑。

莆風清籟集卷十五

十七

黃岡驛阻雨

阻雨黃岡驛。行旌去復留。疎燈聊自照。衰鬢不關秋。樓角寒仍斷。簷聲曉未休。浮踪何必問。明日是潮州。

居庸關和韻

歐冶何年鑄真鐵。神光夜指奔厓裂。曉關西去隴風寒。獵獵邊沙帶飛雪。丈夫生來還遠道。未分霜鉞匣中老。酒酣斲地作長歌。鯨鯢起立滄溟小。

聚書樓

樓外長河練帶斜。河頭水氣欲蒸霞。誰家艇子捕魚過。

衝落小桃一樹花

秋齋

兩竹蕭々欲壓廬。柴門三日斷行車。風簾不動爐烟裏。讀盡南華一卷書。

有懷

昨日今日陰雨前山後山白雲溪橋泊泊流水村巷深
深閉門

黃希英一首

名如頃以字行更字國賓弘治乙丑進士官長

青風清籟集卷十五

十八

蘆運使有斗塘集

題閔子祠

茲鄉生閔子萬載地猶種地潛天應迥山明雨欲飛斷
橋流細水古柳倍榮森野地心千古關門杜翠微

黃希護一首

名如琴以字行更字如護弘治甲子鄉薦官保

昌知縣以子懋官贈戶部侍郎有三塘集

同廖梅南伯兄斗塘觀回早發次韻

曙光行李又南征鬢難簪待禁城布穀聲中烟未散

扶桑影裏月微明。三年報政勞兼拙。萬里今朝弟與兄。
纔夢白雲催風駕。還從馬背續餘情。

王 鎰 六首

字美璞號東愚弘治中布衣

蘭陔詩話東愚少有志性父母先後卒廬墓凡六年一夕樵人遭火燒山大雨後至州廬得全又有雙虎馴擾于其旁人稱為王孝子其詩如哀絃急管對之愀然愴神錢牧齋列朝詩集選宮詞一首僅載姓名未詳字里不可不亟為表揚也

謁先隴

曉出郊門外。行。望白雲。王。衰。雙淚盡。越。抃片心存細。

青風清籟集卷十五

十九

草茸。綠。饑。烏。處。聞。墓。門。不。可。扣。落。日。又。黃。昏。

新秋早起

暑氣方初退。新秋天宇清。蛩吟風葉冷。魚觸露荷傾。雲
度河光影。雞鳴野哭聲。更聞南過雁。獨客不勝情。

過陳侍講墓

翰苑文章五十年。獨餘孤塚水亭前。春深雨暝生荆棘。
日落山空泣杜鵑。立雪有人題白石。承家無子寄青氈。
清明歲。悲風裏。惟見松梢鑿墓煙。

宮詞

雨過河光雁影遙。銀牀冰簟自秋宵。長門楊柳搖殘月。
報道君王已視朝。

漫書

三秀峯前客裏家。孤鐙兀坐思如麻。不知夜半誰家笛。
吹落山梅幾樹花。

夜坐

對月坐來又懷人。詩不成。誰家雙鐵笛。吹送斷腸聲。

蒲風清籟集卷十五

莆風清籟集卷十六

大興黃登賢雲門

恭訂

漳浦蔡新葛山

里中後學鄭王臣慎人一字蘭陔輯選

弟雲霄志上校閱

明九

鄭光琬 二首

字世潤號栗齋正德丁卯鄉薦官山東副使

蘭陔詩話栗齋由餘姚司訓徵為御史以鯁直聞歷宦並著勞勩遺集不傳茲從鯉湖志郊居

莆風清籟集卷十六

詩抄中錄得二律不啻如獲夜光珠也

遊九鯉湖

林壑經遊地。清虛一洞天。高臨丹竈上。疑對赤城前。修殿窺中散。求砂擬稚川。此間多舊侶。曾記是何年。

秋日同邊華泉登千佛閣

繡閣陰。古木層。開樽相對氣憑陵。燕京隻闕秋堪望。魯甸諸天暮共凭。世上可能容傲吏。人間贏得有閒僧。劫來不盡高邱意。何日逢君更一登。

郭端一首

字順夫正德丁卯鄉薦授靈山教諭陞太平教授擢太平通判以子應聘贈兵部尚書

題三海巖

層巒疊嶂鎮靈山。海氣東來六月寒。石乳凝成瓔珞見。澗泉滲出寶珠繁。羽流藥鼎遺陳迹。梵界慈雲有舊壇。瑤草琪花供逸興。恍疑身世出人間。

戴大賓

二首

字寅仲號蘋庵弘治辛酉鄉試第三正德戊辰

會試第二廷試第三授翰林編修

謝山子云探花詩老氣離

莆風清籟集卷十六

二

離非如賈島姚合附寒澁以見長
蘭陔詩話探花襁褓中即解屬辭叔父以色難
命對即應曰容易叔初不解促之曰既容易
何不對答曰已對竟叔始悟其工弘治元年父
抱看迎春或告守曰此神童也守以龍飛二字
命對即指春牛對曰牛舞守以牛不能舞詰之
答曰百獸率舞牛寧獨不舞耶守大異之敏悟
如此較識之無風丁者為尤奇綺年及第逆瑞
劉瑾欲妻以兄女縱酒佯狂得免可謂智矣惜
年甫二十一遽以毀卒遺藁不傳

古邊吟

天後不可過。蔽志劉國慝。考翼詔童孫。負艾亦帝力。蝦
戈畫沙泥。卧馬辨星域。叩素卑賤者。官長宜愛職。

九鯉湖

雲霞莽相逐。水天同一色。何處有瑤花。湖空秋月白。

王大用

七首

字時行正德戊辰進士授工部主事陞廣西兵

備僉事累官都察院右副都御史巡撫順天尋

改巡撫大同陞右都御史入掌院事尋罷起巡

撫四川陞南京刑部侍郎罷歸有藥谷集

林楚揚云

藥谷詩與高乘烈直出無前晚頗作京語豈其真有遺世之思乎

蘭陔詩話公用兵如神所向必克筮仕西純半

在戎間斬獲甲首以萬計籌邊諸策皆中機宜

將也

黃風清籟集卷十六

三

遊焦山吊古

焦子岳論處夔峰屹釣臺至今三詔洞猿鶴有餘哀尚
父終當出狂奴去復來九原如可作聖世自憐才

岳墳

二帝生還已有期金牌誰遣竟班師今日湖山歌舞地

故宮禾黍久離

金人膽落撼山易奸相謀成縱虎難千古英雄長下淚

幾令墳上不曾乾

山中聽簫有懷廣陵親友

一曲洞簫月滿庭。雙林此夜酒初醒。二十四橋何處是。美人縹緲隔雲屏。

建溪絕句

亂石障川森虎豹。喧濤震谷伏蛟龍。漲平沙澗昨宵雨。雲白烟青何處峯。

遊武夷

控鶴仙人渺何許。幔亭綵幄重堪憐。溪流九曲依然在。三十六峯凌紫烟。

江陵懷古

蒲風清籟集卷十六

四

沙堤十里擁南荆。三國當年幾戰爭。長江日夜鳴鳴咽。夔魏吞吳恨未平。

林潭

一首

字世榮正德庚午鄉薦官恭和知縣以子雲同贈都察院右都御史有西麓集

壺塘佳會次韻

柴桑成老隱。白水映清遊。風靜鶴眠穩。日高花影浮。聯詩分坐石。覽景荐登樓。讌飲莫辭醉。年光去不留。

方從鯤

一首

字世元號翠峯岳子正德庚午鄉薦

朱漢長
翠峯少子

後才其詩蕭散出塵有江湖間氣

金陵篇送周伯子秋試

金陵佳麗地。六代擅豪華。伯氣沉淪久。王圖展擴賒。山
川龍虎勢。日月帝王家。宮闕連雲起。歌鐘迫漢斜。兩都
懸鉅樂。萬國泛長槎。燕子磯前水。鳳凰嶺外霞。曲調公
瑾顧。肘繫伯仁誇。異代風流雋。前身骨相嘉。秋颺馳駿
足。別苑醉仙葩。一字都門貴。千金海內遐。世恒唾刻鵠。
子實握靈蛇。標塏臨天竺。深杯酌雨花。江聲素練月。雲
影赤籠紗。韃橐中原迥。因之惜水涯。

蒲風清籟集卷十六

五

鄭懋德

三首

字成昭號雪齋正德辛未進士授鉛山知縣擢
刑部主事以劾錢寧子杖謫外歷陞臨江知府
蘭陔詩話公居官以嚴正稱詩亦秀整有風格

獄中雙柏亭與提牢御史言懷

院門深鎖小亭開。滿地殘花點綠苔。舊事捐金憐馬背。
此時躡屩愧烏臺。草沾霜色秋芳滅。鴉帶寒光暮影來。
惟有前除雙柏樹。蕭蕭風雨漫相摧。

憶彭城

孤影樓頭雁北征。斜陽獨立憶彭城。一年風雨燈前淚。
兩地烟波客裡情。遠信幾行還附鶴。美人何處更聞鶯。
當時勝會空春夢。銀甲纖纖悔奏箏。

卜居

移居正欲傍幽岑。白日蕭條春雨陰。門巷敢勞車馬下。
晤言應識弟兄心。海棠花發年芳靜。鸚鵡聲殘柳葉深。
萬里溪山看欲暮。漫斟玉蕊一長盃。

鄭

玉

一首

蕭風清籟集卷十六

六

字于成。號雙石。正德辛未進士。授戶部主事。遷
郎中。出知徽州府。擢江西副使。

蘭陔詩話。雙石歷官有異績。因與桂萼不相得。
自免歸。

雲居寺

雲歸絕巘孤。寺烟鎖前村。幾家嫩翠。當階草色。媯紅隔
水桃花。

林文俊

七首

字汝英。正德丁卯鄉試第一。辛未進士。改庶吉
士。授編修。歷官禮部左侍郎。改吏部。贈禮部尚

書謚文脩有方齋存藁

蘭陔詩話方齋少穎敏家貧無書就書肆閱之過目成誦為南雍祭酒日嘗校刻二十一史在時大常議謚曰良曰恪上特改曰文脩異數也其詩清粹和雅不事雕琢而意味雋永

將抵昌平

百里昌平道。停車日未昏。浮生渾作夢。舊事復誰論。小
邑圍平野。溪流抱獨村。向來征戰地。營壘到今存。

春日感懷

柳綠鶯啼二月天。家門外泊湖船。傷心世事隨流水。
回首春風又隔年。客路紅塵心半折。親墳宿草恨長牽。
亦知溫飽非吾事。負郭何須二頃田。

昔風清籟集卷十六

七

彭城夜泊

江海真成汗漫遊。秋風繫纜近黃樓。數聲寒柝孤城戍。
幾點殘燈隔岸舟。水落枯萍粘古堞。棹移宿雁起平洲。
可憐楚漢分爭地。今日惟聞水自流。

秋夜旅泊言懷

空江木落奈愁何。卧聽霜鴻帶月過。老去身隨青雀舫。
秋來夢落白鷗波。青牛早解莊生語。哀鳳真慚楚客歌。
早晚歸尋樵牧侶。深山結屋傍雲蘿。

同年鄭成昭將赴南京刑部留詩為別次韵奉贈
誰將短笛怨中吹。腸斷孤鴻對落暉。賓館正逢塵榻下。
秋江又報客帆歸。天涯同榜幾人在。江左前朝舊事稀。
却憶太平門外路。隔湖烟樹雨霏微。

送黃以承遊遼陽

長亭日暮酒初醒。策馬西風問去程。幾處啼猿催客淚。
滿林落葉送秋聲。鳴笳畫戟狼烟淨。黃篚東來鴨綠平。
燈火萬家絃管沸。不知遼海是邊城。

元日送黃主簿用赴蘄水

蒲風清籟集卷十六

旅食京華幾度春。今朝歲事又更新。東風漸綠河堤柳。
欲折長條贈遠人。

郭清二首

字直夫正德辛未進士官南京戶部主事

洞庭清隱贈林廷用

愛爾青山下。悠然木石居。覆牆多橘樹。入饌有鱸魚。得
句波濤上。行歌風露餘。遙知問客。花下日停車。

山房落成

閒居祇杖藜。野性合幽棲。種菊慚陶徑。誅茅異剡溪。沙

平鷲地。瀾樓迥。覺天低。滿路桃花發。能令遠客迷。

朱鳴陽 六首

字應周正德辛未進士授戶科給事中歷官浙

江右布政有南崗集

蘭陔詩話南崗在諫垣前後上五十餘疏其大禮議最為切直時已轉外得免譴斥然卒坐此忤時相罷歸詩亦秀拔迥出塵表

書懷

世路多巖嶮。奔走非初心。浮雲莽無極。白日生層陰。寶瑟空自彈。誰復為知音。長歌賦歸去。高鴻何冥。

蒲風清巖集卷十六

九

過淮憶故人王用寬

春風淮上路。鮑叔竟何歸。江曠舟初泊。堂深燕自飛。青山消息斷。華鶴姓名非。欲論當年事。唯應皓月知。

臨江道中

江上雨初霽。長途風正寒。斷雲橫極浦。遠樹覆平巒。流水孤村靜。歸鴉夕照殘。丹楓交翠柏。渾作畫圖看。驅車出江澗。曲折循郊原。近水疑無路。穿籬別有村。危橋橫短壑。密樹壓頽垣。忽憶陶元亮。追尋五柳門。

謁屈子祠

西風蕭索。楚江潏欲。吊湘靈。淚滿襟。蘼蕙無香。秋色老。
溪山有恨。暮雲深。漫看舊國。淪荒壤。獨喜層宮。聳碧岑。
忠憤。豈徒人感激。魚龍也識此生心。

重過信州有感

當年御命下饒州。萬里携家此地留。詎意韶華成短夢。
傷心楚水已東流。乾坤阻隔三千界。風雨淒涼十二秋。
此日重臨懷不盡。夜深明月滿空樓。

余瓚一首

字君錫。正德辛未進士官兵科給事中。以諫南

首風清籟集卷十六

十

起于秋。歷官太僕寺卿。

送周子明之楚

六月出金臺。長林靄香霧。東風吹柳絲。江頭浴鷗鷺。八
龍駕輜軒。高蓋披湛露。孤心魏闕前。一麾長沙路。冠蓋
塞都門。聯絡生艷慕。結交二十秋。何以愜情懷。市虎寧
當途。林鶴懸待哺。歲晏勵青霜。周行擢高步。落日忍分
歧。目送征鴻度。

周大謨一首

字文啓。號小山。瑛子。正德甲戌會試。第二人歸。

養

題水雲亭

小亭何幽僻。野水帶溪雲。終日魚蝦伍。全家鷗鷺群。窓
虛思竹靜。庭寂看花紛。時有逃名者。同來坐夕曛。

林達一首

字志道。號愧吾俊子。正德甲戌進士官南京吏

部郎中有自考集

約遊囊山次頤晦

青囊不數峯。霞壁懸蒼麓。幽尋杖屨來。抱被僧床宿。凌

青風清籟集卷十六

十一

晨宿莽開。經行紀深竹。植杖復經邱。散坐幽棲谷。土膏

肥菊時。山盤薦新醖。談深曠古懷。孟引詩成速。疇能借

長繩為我繫。羲轡昏黑到上頭。金輪者轉輟。

馬明衡 十二首

字子莘。號師山。思聰子。正德甲戌進士官監察

御史。建言廷杖削籍

補改持節嘉靖三年與國太后誕辰朝賀既已

舉行慈壽皇太后誕辰忽有旨免朝師山上言

無已宜忍輟此盛禮哉同給朱侍御損巖亦上
言皇太后親挈神器以授陛下母子之脩天日

在照今乃旬月之間一舉一罷彼此相較形迹
太分何以慰母心而隆孝治疏入承陵震怒命
梓二人至庭詰問將置之死蔣文定膝行泣救
乃免二公可謂敵格君心之非矣師山與父學
峯稱雙忠余宗漢稱其詩如黃金在鎔芒采百
道目瞬不得正眎

感懷

十日不窺園，芳已摧折。枯柳號天風，吹雲若飛雪。淒
淒涼氣入，暖不望陰結。感此歲寒心，愴然五情熱。安能
揮長戈，倒景回日月。

入別筵贈柯生

去年秋風生，送子南關路。南關松柏何青青，君行南海

昔風清籟集卷十六

向烟霧。今年竹筵入秋聲，與君把袂還中行。三年喜對
故人面，千里誰同此日情。滄海東流去不迴，白駒過隙
何易哉。世間萬事果何有，勸君更進手中杯。一曲驪歌
為君別，後夜相思月圓缺。十年強半客他鄉，莫怪參差
鬢成雪。

同朱必東侍御移舟訪顧志仁督學西冲寺別業

用壁間韻

倚月停孤棹，披雲卧綠蘿。溪山萬事足，勲業百年過。聽
法岩猿定，啣花野鹿多。玉簫聲不徹，鸞鶴奈愁何。

懷詹給諫少華草堂

惜別虹橋後。思君欲改顏。一堂溪雨靜。六月松風寒。岩壑憐同病。棲遲老閉關。應知蘿月夜。時取玉琴彈。
聞豫章兵變時家君以使事往愴然有懷
乾坤悲戰鼓。羽檄起潢池。封豕凌京國。長鯨播海陲。王師初渡日。使節未歸期。悵望衡山道。南來一雁遲。

遊桃花溪

不見桃花發。桃溪尚有名。岫竄誰攔往。春遠汝同行。白日林中靜。青烽海上生。無論秦與漢。長嘯一含情。

昔風清籟集卷十六

十三

謁先光祿公墓

豫章流水恨何長。滿目松楸重可傷。寒禽輕烟縈古木。空山啼鳥送斜陽。人間不盡乾坤淚。地下猶銜日月光。一疏艱危憐狗馬。不堪伏臘薦椒漿。

初春即事

故園草色入新年。回首江湖思渺然。踈謬自甘明主棄。孤狂寧受世人憐。病多骨比青松瘦。老至心同白日懸。彭澤但知時縱酒。子雲何用晚談玄。

江寺是文通故宅

窈窕諸峯似削成。雲邊小閣坐來清。石臺細草含春色。
竹樹斜陽帶雨聲。訪古獨憐遺跡在。登高翻覺壯心驚。
六朝文物俱塵土。綵筆猶傳夢裏生。

答黃西壺先生

孤亭高敞紫霞傍。招隱歌成逸興長。靖節早應歸栗里。
龐公久不入襄陽。百年海上丹心遠。五月松風白葛涼。
徙倚高臺瞻北斗。山中夜夜挹清光。

南泉遇雨

微雨洗空山。夜深聲轉激。秋風本無心。悄此山中客。

昔風清籟集卷十六

十四

天遊觀

獨渺羣峯霄漢間。仙人何處駐紅顏。凌風欲跨蒼龍去。
盡日看雲意自閒。

彭大治 七首

字宜定甫子正德甲戌進士官長蘆運使有定

軒集

蘭陔詩話定軒守徽州日值洞蠻叛川北騷動
單車入其壘諭以禍福即日解散平生操節於
嚴身後無尺寸田廬詩亦清越

望斗杓

貨泉行。真人出。天上斗杓漢家物。天生子德予誰欺。德不類。孔。胡。支。離。君。不。見。月。犯。少。微。謝。敷。慟。吳。中。高。士。死。不。得。

峽中茅屋

茅屋江山險。陰雲濕欲濛。草生幽洞口。人語半空中。結社緣應淺。催科逕未通。菑畲隨分足。塵夢付東風。

寄題壺南書舍

遙憶壺南是舊遊。依稀風景似瀛洲。鴟。涵。碧。蘚。晴。還。濕。簾。捲。青。山。翠。欲。沉。野。鳥。倦。啞。花。影。下。故。人。共。醉。月。明。秋。

昔風清籟集卷十六

十五

而今誤作王門客。祇恐歸時已白頭。

城市山林為陳秀才作

幽居最愛此中閒。半是城扉半是山。花市隔牆紅霧少。柴門深鎖白雲還。清風膝上琴三弄。明月庭前水一灣。他日主人騰踏去。歸來依舊掃松關。

自君之出矣

自君之出矣。曲徑坐深籬。夜深明月來。秋蛩似人語。自君之出矣。春芭西山顛。願作山頭雲。隨風到君前。

長安旅舍

書齋僅容膝。門巷不容車。朝。日。掃。落。葉。庭。樹。在。鄰。家。

林檎一首

字宜渙號秋潭正德甲戌進士以戶部郎中建
言謫外歷官長沙同知

漁翁

渺。江。滄。江。萬。里。淪。晴。天。掌。上。蛟。龍。奔。羨。魚。結。網。成。何。事。
空使漁叢帶雪痕。

黃廷宣一首

字汝為正德庚午鄉薦第一甲戌進士歷官廣

昔風清籟卷十六

十六

東僉事有東村集

蘭陔詩話東村為林貞肅宅相貞肅期以大器
歷官中外多異政牧太倉日嘗捕三足鷺以析
疑獄太倉人祠之晚結東山詩社余李蘆稱其
詩溫厚和柔有正始之音

遊東山和西谷韻

勝地三年隔。何緣此又過。懶。雲。穿。石。徑。殘。日。照。松。蘿。丹
壑觀無始。黃庭辨太和。舊遊人不在。麓翁寒翁
相繼逝去搔首漫
婆娑。

林大輅二十一首

字以乘號二山正德甲戌進士以工部員外諫

南巡予杖繫獄謫判夷陵州嘉靖初起江西按

察僉事歷副都御史巡撫湖南自劾歸有愧瘠

集柯奇純云嘗評海內詞彥僅許吾閩鄭禮曹少谷許洛中崔太史後渠文二山準古超俗

集有全者第鄭之詩平公之詩與崔之文與公之文粹大抵均名家依林茂貞云二山詩在

仕途者忠憤激烈無依阿取容之態在林居者冲遠和雅無憤時嫉世之心要出於性靈非騷

人墨客風雲月露之作也王應時云二山詩典麗雋遠深入堂奧朱錫鬯云一山與南冷

龍相契詩亦近之第稍遜耳品當在李川父孟望之間

咏志同馬子華作

佩玉須璜珩佩草須芝蘭砥砢非奇珍蕭艾隕微寒卜

莆風清籟集卷十六

高貌何癯原憲歌聲歡侯羸老已至偃蹇多辛酸京洛

結駟者聯翩迅高翰旁觀有微言古道良足嘆

仲夏逮內氏復下詔獄愴然志憂

那知罹百災萊妻欲同死鎖械分天牢雷霆威如此顛

沛裂肝腸涕下孰能已昔者得生還遺榮如故屣患難

逢豺狼戚工聊復爾並死誠堪傷一生差可擬人言當

俱生輿情諒非詭我躬不自持况能念內子忠也稽諸

終壽也鑄諸始決絕語通宵否泰俟神理復兒寄所親

畏人乃蒙耻獄祠一瓣香今日復來視病間還乞靈斂

憂惟隱几百年逝如馳風波事足紀

蘭陔詩話二山拜杖入獄黃夫人留邸舍日夕焚香籲天冀皇輿不出夫得生還鄰人耐尉修夙怨誣以咀呪並連入獄鞠訊時脩極楚毒不肯承時夫人有身產一男於獄中不育居五月得釋夫婦偕出獄都人聚觀稱為鐵夫人尤展成有鐵夫人詩云武皇南巡臣拜杖良人繫獄妾心喪妾家兒女本無知焚香籲天誠有之還騎竿未坐咀呪夫婦牽連入園土妾今有身不任刑惟拚一死謝夫君情辭慷慨相決絕法吏滿堂誰忍聞一旦天恩並放歸都人夾道盡沾衣還將舊日香重藝長祝君王罷六飛

偶題

空山雲更虛野寺村非遠蒼日澹平沙江流紆西巘曠

首風清籟集卷十六

十六

然人跡稀於茲成嘉趣倘遇紫芝翁分我青精飯

讀儲光羲田家詩次韻

林居穀雨平百畝連荒墅白屋滿茅茨新晴慰男女蠶月伐桑桑耕朝治南圃僕童勞以嬉相將蕪禾黍遠泉抱村流幾曲木蘭渚田翁辭行役山婦緩秋杵百年中聲名復奚取

昨日尚壯年今日忽成老城市稀往還散髮田間道豈不惜辛勤八口縈懷抱澤雨頻及期妻孥窮相好嚴霜瘁鼻蘭夕飈吹野草所思風塵遊五陵寒尤早

遠隱迹不巖。玄谷多行樂。龐公居鹿門。不知有城郭。清
酒留瓦盆。鄰人互秋穫。遺穗分牛羊。野粒招鳥雀。喧
豪俠。徒意氣。傾京洛。青衫結長雄。誰能貯。濩落。豈知耕
稼人。萬事。殊雲薄。

不寐

擁被息塵想。瀟瀟雨到篷。孤城連禁柝。永夜動悲風。往
事。踈。燈。裏。新。愁。濁。酒。中。南。歸。稀。信。使。明。發。報。征。鴻。

京口晚泊

五斗淵明祿。三秋季子裘。生還真過望。多病未應休。野

昔風清簾集卷十六

十九

吹。搖。芳。草。江。烟。下。白。鷗。晚。來。雲。物。淨。京。口。泊。歸。舟。

同黃伯固遊囊山寺

木古連雲氣。亭幽漏竹光。乾坤蘗草屨。湖海幾繩床。佛
日風幡定。桑門野飯香。主人應悟道。鯨鳥未斜陽。

浮蹤

浮蹤甘屏齋。簿領亦閒。虎跡村間路。猿聲郭外山。四
愁。仍。欲。結。雙。鬢。漸。成。斑。長。見。乘。槎。者。天。風。萬。里。還。

弔馬伏波祠

野渡維江舸。荒祠薦澗芹。魚龍喧永晝。日月照迷津。阻

絕征蠻路艱危報主身。只今嗟薏苡臨弔幾傷神。

雨中懷鄭成昭

徑竹色逾淨。窓蕉聲轉寒。流年頻閉戶。世事偶開闌。遠郭見秋水。喧江聞暮灘。石村雲卧者。遲爾話悲歡。

聞非信懷鄭九萬黃門

一官奚足惜。萬事死生輕。邱壑元貧賤。廟廊自聖明。素山蘿月白。小野桂風清。翹首思天仗。猶餘折檻情。

蔣子雲都水定居西長安門外

南冷三載賦閒居。春日長安近。非廬苑樹飛烟分客榻。

昔風清籟集卷十六

二

禁鐘浮月散朝車。楊雄天祿多奇字。方朔金門有諫書。相望西橋應不遠。莫教風雨往來疎。二山借南冷諫南

弔賈子祠

扁舟斜日客來遲。遠望荒祠意益悲。漢室英賢多去國。洛陽勲業未逢時。江流歲月孤臣恨。草色宮牆野老知。一謫西陵驚更遠。幾回飛夢歎雲涯。

寄席村同

蜀山西去渺風烟。搖落思君一點然。客意獨驚楓葉晚。鄉心偏戀菊花天。孤城夢入還家路。寒日雲生去國船。

莫為猿聲頻下淚。汨羅遺事總堪憐。

無題次李義山韻

歌舞筵中入隊難。眼前紅蕊易凋殘。年如西日留難駐。
淚似東流拭不乾。拾翠衣侵榆露濕。題紅門掩閣雲寒。
朝疑有瓊瑤信。長對遙天雁影看。

雞峰夜歸

小童吹暮角。月色滿秋山。回首西雲路。居人欲閉關。
璇霄露欲下。瑤宇月初寒。何處香來滿。秋風吹桂蘭。

暮春直宿

昔風清籟集卷一六

主

旅夢醒啼鳥。晴窓日欲斜。還將多病眼。閒看續開花。

安遠書事

湛露踈星半有無。思家步月到青梧。十年湖海雙疎鬢。
萬里風塵一病夫。

吳

音一首

字師夔號三麓正德癸酉鄉薦授全椒知縣陞

寧海知州

東山限韻

憑高遠見水連空。渺。青畦接海東。雲鎖竹門飛翠濕。

山明石竇落霞紅。鶯花歲月容。扶杖風雨江湖任轉蓬。
一笑野人狂故在。不妨兩鬢已成翁。

俞應辰 一首

字仲尊號東渚正德甲戌進士歷官石阡知府

福平懷古

我行北螺邨。薊蔚羨山水。芳畦長藥苗。幽徑落松子。緬
懷歐陽公。讀書巖谷裏。同心有二林。文苑稱齊軌。科第
破天荒。孝友垂青史。千秋仰清塵。裴裏尋舊址。高風渺
難追。落日半山紫。

音風清籟集卷十六

十三

常儒甫 一首

字遜學號朋山正德癸卯鄉薦官秦州知州

柳絮次周小山韻

春盡江南廿四橋。蒙飛絮乍辭條。因風欲起愁難定。
到地無聲恨不消。黃鳥啼殘花雨亂。白鶻踏徧雪泥驕。
可憐化作浮萍去。又向天涯趁暮潮。

黃漳 一首

字仲瀾號澹峰正德癸酉鄉薦官岳州通判

九日東社中諸老

葦荊呈佳色。冥鴻度遠天。候蟲聲細，修竹淨娟，裁
酒清歌發。簪萸舊俗傳。催租無吏至，隨意劈吟箋。

黃日敬

一首

字時簡。相子正德。丙子鄉薦。官兩浙運使。有壺

淙漫藁

登望淮亭有懷先大夫因次壁間韻

小閣憑高起。長淮入望來。際天遙映帶。繞檻自紆迴。津
樹低吟席。帆風落酒杯。先猷應未遠。落日首重回。

莆風清籟集卷十七

崇明 沈文鎬紹岐

叅訂

黃崗 萬年茂少槐

里中後學鄭王臣慎人一字輯選

同里 黃元亨日乾 校閱

明十

柯維熊 十二首

字奇徵英子正德丁丑進士官工部郎中有石

庄集

莆風清籟集卷十七

蘭陵詩話石庄為行人時勅張璉桂萼希旨驟進斥為無恥小人張桂樹之後為都水郎督開運河為萼所中傷罷歸詩亦具風格

撫松亭同四弟奇純言志次韋蕪州韻

日，松亭下。坐對江上山。一尊時獨進。餘事豈相關。一馬任所呼。心性頗踈頑。門外車轍稀。十畝意自閑。入社齒嫌少。時廁丈人間。看雲情不厭。興盡去復還。厚祿多故人。冥心亦何攀。近聞秋稼登。稚子俱歡顏。

石湖

維舟湖水曲。緩步到僧扉。地僻聞人語。山空見鳥歸。寒

雲低過席晴雪落沾衣。野岸蒼茫裏。何人立釣磯。
送方郡判惟立還家

秋懷那忍別。尊酒復江亭。落日還餐菊。西風咏采苓。君
思無厚薄。吾道惜飄零。鼓柁滄浪水。乾坤笑一萍。

南泉院次韻

到處總為客。山厨原有天。拾薪供釀黍。摘菜洗流泉。晚
磬雲孤翳。秋雨急傳隔。林一犬吠。知是有人烟。

題靜軒圖為方思緝作

野外獨柴扉。往來車馬稀。溪紆山更寂。花落鳥初歸。兀

莆風清籟集卷十七

二

兀轉忘坐。悠悠自息機。草玄時已畢。叉手送斜暉。
秋原即事

江橋橫野漲。浦樹接村烟。落日聞鼙鼓。秋風送釣船。室
盈新佩菜。池倒落衣蓮。物色兼人事。忡忡百慮牽。

撫松亭言志

自與世相違。寧論生計微。沙田秋盡熟。漁艇夜深歸。種
樹曾收利。灌園甘息機。本無食肉相。非戀故山薇。

同馬師山王筆峰遊梁溪

指爪留何處。腰圍減昔時。溪山真有待。風雨亦成悲。

野雜花細晚村孤鳥遲一尊甘屏迹隣父莫深疑

夏日即事兼懷同志次王石沙代巡韻

微雨苔花暈滿門探泉稚子滌清尊竹間盡日棋聲碎
江上春風釣石溫虹跨晚山收霧氣鷗乘秋水亂沙痕
班荆月色忘歸去鐵笛一聲何處村

送翰林待詔文衡山致仕

遙憐松桂入秋荒猿鳥聲中一草堂風露滿天人獨醒
并州今日是他鄉

長安為客幾經年悵望南州歲月遷焚却銀魚騎馬去

青風清籟集卷十七

三

碧山湖上未論錢

題畫

閒身何處寄生涯篔簹披烟坐釣槎橫笛一聲山色曉
江城無數落梅花

方瀾一首

字思源號觀齋正德丁丑進士官禮部郎中

題山水圖

枯木噪寒蟬荒村起暮烟自春水上碓獨返鳥邊船一
眺秋江淨情懷轉慨然

林若周 一首

字吾從號養齋正德丁丑進士授博羅知縣擢

陝西道監察御史建言拜杖乞終養

蘭陔詩話明代吾鄉士大夫皆尚氣節正德丁丑登進士者十九人林御史若周以其仁以議大禮杖姚御史鳴鳳鄭御史洛書以爭大獄杖林員外應聰以救朱馬二御史杖黃郎中待頭以諫查聖尊號杖林員外遷喬朱郎中可宗以諫南巡杖同科拜杖者九人又其時林大輅黃翠余瓚周宣以諫南巡杖鄭一鵬林有孚陳廷鸞郭日林方一藺以議大禮杖朱瀾馬明衡以諫昭聖太后誕晨免朝杖方一桂以劾汪鉉杖鄭懋德以劾錢寧杖同時拜杖者二十餘人亦吾鄉盛事也

昔風清簾集卷十七

遊黃壁山

四

紆迴鳥道鬱千盤。到處峯頭入眼寬。谷口啣杯堪避暑。龍湫噴霧轉生寒。勝遊共愛上方好。是日身臨萬仞看。更有詩篇留石壁。琳瑯還任客遊觀。

朱可宗 一首

字端夫正德丁丑進士官戶部郎中建言拜杖

題畫

鯨額觸驚湍。灑濺崑石上。孤舟狀流間。膽落敵危狀。獨有釣魚人。高歌出層浪。

林遷喬 二首

字遷于號西谷正德丁丑進士官刑部員外郎

諫南巡拜杖

蘭陔詩話西谷縣田後累薦不起文酒徜徉垂三十年詩亦秀潤所作甚富每不存藁

飲林氏留雲閣醉中次王筆峰韵

鼓青飛閣上。尺五入高雲。野色兼天迥。溪光拆地分。疎花窺好鳥。密葉逗斜曛。更惜芳筵興。微風散宿醺。

九鯉湖

習靜無如此地幽。碧桃珠樹幾春秋。王喬已向山中去。

昔風清籟集卷十七

五

漢武空令海上求。雲氣蛟龍時自隱。瀑聲雷雨日長流。偷然邱壑冥心外。皓月澱湖獨倚樓。

葉珩 一首

字鳴玉號梅麓正德丁丑進士官貴州左布政

蘭陔詩話梅麓在工曹不畏強禦乘舟克戢寇攘疑重簡淡有古人風

同虞惟貞侍御登太白樓

翻。羽騎共登樓。落木淒風雨。鬢秋平野望。窮天共遠。孤城坐覺地偏浮。簡書今夕非行樂。時事東隅已失籌。

采石仙人如可起。騎鯨白日願同遊。

鄭洛書 一首

字啓範正德丁丑進士授上海知縣擢河南道

監察御史建言拜杖出為直畿督學丁憂歸補

浙江道御史遭誣免

蘭陔詩話公宰上海多惠政入為御史纔二年章凡七十二上以爭李福達妖賊獄幾死揚文襄叩首泣護得免夜後三十年郡城陷其子走依上海上海人環泣曰此故孫叔敖兒也釀金置田百畝令歲取所入以奉祭祀足見其澤之及人深矣

木蘭晚泛

蘭溪鯨路晚秋乃棹聲喧。拳鷺依沙聚。曉鷓繞樹翻。山

昔風清籟集卷一七

六

容全黯淡。野色漸黃昏。仰見林端月。纖露一痕。

林茂竹 一首

字仲修正德丁丑進士歷官廣西叅政

贈貴州兵備王公

烟樹蒼蒼，佳氣籠孤城。遙鎮萬山中。春郊水膩耕鋤滿。幕府天寒畫戟雄。狐鼠何時歸掃穴。干將此日費磨礱。書生元自嫻軍旅。獨抱忠誠答聖聰。

林應驄 二首

字汝桓號次峯正德丁丑進士授戶部主事陞

員外建言廷杖謫徐聞縣丞有夢槎奇遊集

蘭陔詩話朱馬二侍御以諫昭聖皇太后誕晨
免朝下獄次峯抗疏論救且言陛下於本生正
統之義不能無所軒輊上怒並逮杖謫徐聞日
航海從王陽明講學其詩集乃陽明所定亦疎
宕有風骨

宿榆河

辭。賦。出。郭。欲。何。之。國。計。民。生。兩。繫。思。關。戍。經。年。虛。斗。粟。
江。南。二。月。賣。新。絲。愧。無。充。國。籌。邊。策。忍。讀。初。招。諫。獵。詩。
蕭。瑟。榆。河。澗。未。得。一。天。霜。月。正。遲。

楊乾叔五十有贈

蒲風清籟集卷十七

七

何。人。湖。海。更。忘。機。磊。落。如。君。與。世。違。官。似。釋。之。猶。未。調。
年。如。伯。玉。已。無。非。賦。詩。高。調。早。唐。體。擬。禮。中。和。見。漢。威。
渡。口。松。花。紅。滿。地。月。明。春。色。上。羅。衣。

黃待顯 三首

字君俊號柏聰正德丁丑進士授戶部主事
員外郎中以議大禮予杖謫戍碣石贈太常少

卿

西園漫興次汪兵曹韵

獨。客。渾。無。賴。流。連。共。雪。齋。微。風。穿。細。葉。纖。月。散。陰。霾。衣。

薄頻呼酒。林深不掩柴。夜長燒燭短。爾我亦無懷。
市聲雲外杳。槐葉坐中陰。暮靄懸江閣。高風動樹林。棋
殘看變幻。句溢費搜尋。蘭室風流在。百年重此心。

遊大悲寺次韵

送別遙來此。停杯話故鄉。斷碑微見字。素榻謾焚香。麥
雨分蒼野。松雲抱石房。盍簪看早晚。何必淚沾裳。

王鳳靈

十一首

字應時正德丁丑進士授刑部主事出為襄陽
知府歷廣西叅政有筆峰存藁

莆風清韻集卷十七

蘭陵詩話筆峰性伉直好激論天下事歷官中
外咸有聲為文以氣勝詩亦清道粹美可比蒼
陽居士集晚死於倭難良可嘆也

病中別鄭子啓之上海

無力送君行。臨門為我別。應憐憔悴顏。語我丹邱訣。語
畢出門去。音稀跡亦滅。念此病轉深。愁腸生百結。飛鴻
向江南。團扇辭秋節。翔羨爾遊。棄捐復何說。鴻歸
有期扇棄待炎熱。物理豈能常。所貴無終絕。願言保交
情。勿以中道輟。

送鄭少谷歸鰲峰次韵

貧病今如此。遠遊意若何。冥鴻歸路杳。芳草故園多。鳩
暑慚何補。鰲峰好寤歌。無能共把臂。長笑入烟蘿。

漂母祠

古廟瞻遺像。靈眸若有神。王孫誰物色。國士豈謀身。不
愛千金贈。應知一飯真。異時蕭相國。猶自擅知人。

遊邵家庄

勝景春曾到。名園花正冥。鶯啼千樹綠。鷗下一溪青。石
榻留金谷。簾紗隱翠屏。他山知信美。吾自憶吾亭。

次梁學泉吏部徐州舟中夜酌之作

昔風清籟集卷十七

九

石仄江逾勁。峰迴日易斜。歸鴻迷極浦。飛鷺落平沙。越
客同杯酒。春光正柳花。相看仍意氣。行路莫深嗟。

淮上獻大中丞劉公

淮陽重鎮大河城。蓋世勲名此甲兵。十萬舟帆通禹貢。
三千冠珮接周行。清漕真見劉開府。獻賦翻憐禰正平。
自嘆西游身萬里。何因東閣繼諸生。

送林遷于予告還山

祖席初分酒半醺。相看無奈故人何。生憎柳色臨歧路。
况聽春聲入櫂歌。舊國雲山何處是。他年風雨憶君多。

祿簪組能相絆未得相從訪薜蘿

次韻贈送鄧文溪刺維摩

青瑣黃門記昔遊。諫書常出殿西頭。須知九死當年事。
豈分孤身萬里投。瘴雨蠻烟仍壯節。海雲江月重離憂。
最憐號泣攀轅意。誰為中原赤子謀。

天馬山中

木落萬山秋。月明千里夕。幽意忽如何。松風掃白石。
海色潛蛟出。天風獨鶴還。仙人吹玉笛。明月滿空山。

過分水關

青風清籟集卷十七

十

無情如此水。各傍故山流。何事山中客。年三作遠遊。

張曰韜一首

字席珍。正德丁丑進士。授常州推官。擢河南道

監察御史。以議大禮杖卒。贈光祿寺少卿。

蘭陔詩話。公司理常州日。武宗南巡。江彬縱其黨。至鎮江。橫索民間公命。百姓遮擊之。彬黨為少戢。

九鯉湖

不識湖中景。今朝得勝遊。峯巒連碧漢。石洞漱清流。
閣來新月。爐煙散暮秋。一塵飛不到。吟興自悠悠。

廖梯 三首

字雲卿號梅南正德丁丑進士官鎮遠知府

蘭陔詩話梅南居家以孝友聞在官以廉潔著其詩亦清婉和粹如風聲帆影急人語棹歌喧悲船急杵城鴉暮踈雨寒雲塞樹秋皆琅然可誦

憑虛閣

高閣晴空近。虛窓晝景多。春聲深院鳥。天塹大江波。嘉樹交花翠。祥雲結綺羅。時清還歲樂。不用五噫歌。

彭城驛

滿天風雨暗彭城。此地英雄幾戰爭。戲馬臺荒空有迹。

首風清籟集卷十七

土

拔山人去竟。留名鹿歸赤帝誇。先得驢向烏江渡。不成千古興亡都夢幻。江山依舊獨崢嶸。

題畫

草玄亭子斷江濤。萬翠濤聲逗晝陰。地僻鳥喧人不到。藤花開落徑苔深。

陳應之 一首

字君咸正德丁丑進士官南京戶部郎中

九鯉湖

四面峯巒鳥徑開。仙家疊嶺有樓臺。閒行不着漁樵迹。

殘夢忽聽風雨來。躑躅岩頭長自媚。古梅洞口為誰栽。
山中甲子無人數。石篆年來又匪苔。

藍渠二首

字志張號懼齋正德丁丑進士官南京兵部郎

中

臨淮通真觀

白雲高閣坐吹笙。半入珠宮半入城。野鶴祇今歸何處。
隔林惟有曉鶯聲。

登釣龍臺

蒲風清籟集卷十七

十三

越王宮殿久成灰。潮水東流去不回。千秋風雨橫江惡。
猶似白龍上釣臺。

鄭鵬八首

字九萬號抑齋正德辛巳進士選庶吉士授戶

科給事中轉吏科給事中以議禮杖三十又桂

萼議令科道互相糾劾率同官執奏非事體不

奉詔杖六十罷歸贈光祿寺卿

林懋揚云抑齋屢上讜言其奏

議接拆古今鑿可行與劉更生陸敬輿相伯仲竟擯斥至死何也古近諸詩亦意明辭婉

蘭陔詩話抑齋公非角登第在諫垣四年上百餘疏皆中體要兩罹詔獄再杖闕廷臂肉削盡

幸得生還貧窶無以為養投徒建寧敝衣布冠
恂如寒士主人亦不知其為前諫官踰年有
新補弟子員者入公壑中甚有矜色詢其年做
然曰纔三十耳公笑曰此僕拜杖之年也主人
詢知公姓字乃大駭謝之歸時贈貽頗厚買田
數畝以供菽水書大書塾壁曰希聖希賢作天
下第一流人物維志維孝扶世間億萬載綱常
其志節可槩見矣矢詩不多卓然大雅

將命荆襄道中書懷二首

鬢學遊宦壯年猶未歸本為馳驅便庶以奉親幃中
道一參商夙願竟睽違昧爽肅遐征朔風吹我衣颯
沙石揚紛雨雪霏道路阻且修僕馬常苦飢一為浮
名累臨歧覺昨非豈無陳情疏咫尺隔天威遙賦北山
詩擊涕不能揮

莆風清籟集卷十七

江漢在何許我馬去何遲豈不事鞭策徘徊有所思辭
親遠行後歲晏屢差池兇幼今已壯親顏得不移憑高
恣遠眺仰睇白雲馳白雲散還合遊子歸何時安得凌
風翻遠慰倚門期

懷友

幽居愜岑寂寒燈寡儔匹欲為秉燭遊莫繫西飛日舊
業仍馬帳隱憂漸添室永言同心者何時復促膝

遊陶園

圓景運易週。凝賓轉時序。雅構集昌辰。幽期協曠野。雙
鳧翔水裔。獨鶴悲雲侶。解佩臨清流。濯纓俯芳渚。妙舞
出陽阿。餘音翻激楚。西嶼復兼山。何處非逸所。一竹獨
亭。徙倚望廬峰。抑齋中士。陶園中翁。此樂不易
得。歸咏舞雩風。

感懷

林下碧蘿垂。陰崖紫苔長。雲山靜相對。啓我林泉想。欲
取鳴琴彈。坐聆松風響。

夜中有懷

蒲風清籟集卷十七

十四

展轉夢未成。空齋數夜更。兵戈斷北信。旱沴復南征。誰
發長孺廩。永懷終子纓。如何紆獻納。端拱媿王明。

送姚太僕歸隱

彭澤去何易。藍田願未違。披雲開竹徑。釣月下漁磯。秋
水孤舟遠。青山倦鳥歸。懸知廊廟意。北望更依依。

登黃華樓

傑閣何年構。幾春山徑空。偏於人境迥。卻訝洞天通。第
杖青霞外。琴尊落照中。紫陽如可趣。吾欲問參同。

郭日休一首

字德夫正德辛巳進士授戶部主事以議大禮
拜杖落職尋復官遷郎中歷官貴州按察使有
九華山人集

東馬子莘

黃石青山外。丰神憶馬周。睽違今隔歲。搖落况驚秋。得
罪悲孤疏。幽棲偃壯猷。才賢寧獨愛。時事轉須憂。

陳騰鸞 一首

字士遠正德辛巳進士官戶部郎中以議大禮

拜杖有浴江詩草

林懋揚云浴江多意氣堅操
守惜其年不永官止郎署詩

首風清籟集卷十七

十五

亦悲壯

和柯石庄遊郭將軍園林

將軍多野意。近寺有雲莊。鳥過黃兼白。苔深綠間蒼。
臺開古跡。花樹淨禪房。道氣相隨久。妖氛白晝藏。

鄭登高 一首

字日進號次山正德辛巳進士歷官湖廣叅政

蘭陔詩話正嘉間吾宗省齋雪齋抑齋棠泉次

山栗齋六俊同朝栗齋有詩紀之云拜舞呼山
嶽衣冠映後先亦佳話也

謁南山祖祠

暴骨中原儘可傷。先生端合卧南陽。螢窓草屋春膏盡。
鶴髮金仙夜夢長。雲裡溪聲連寺磬。月中湖色漾禪床。
一年三度階前拜。瞻望鳳凰千仞翔。

洪珠一首

字玉方正德辛巳進士授戶部主事歷官紹興

知府雲南按察使貴州左布政使應天府尹

蘭陔詩話玉方與叔樞先後守紹興崇尚名教
紹人歌之曰大洪小洪先後同風善學窠書抗
州岳墳壁上畫忠報國四大字其手書也遺集
不傳從畫卷中錄得一首

題畫

莆風清籟集卷十七

十六

柴門低仄依流水。石磴巉巖點落花。一壑白雲秋欲老。
紅塵飛不到山家。

鄭豸一首

字秉憲正德己卯鄉薦授茂名知縣擢泰安知

州

登泰山

巍。泰岱擁邦畿。特地來尋封禪儀。怪樹似陳秦劍戟。
奇花疑列漢旌旗。珠簾泉瀉千尋瀑。石洞雲封一局棋。
七十二君在何處。斜陽芳草認殘碑。一作鄭紀詩

周鳴鸞 一首

字士和號見虛正德己卯鄉薦官武寧知縣旌
表孝子

題樵者

破曉矇朧樵徑寒。芒鞋踏過萬重山。
缺來飢飽長伸脚。
身世浮沉一夢間。

莆風清籟集卷十八

錢唐 王際華秋瑞

叅訂

侯官 張甄陶希周

里中後學鄭王臣慎人一字蘭孩輯選

同里 林夢奎又文 校閱

明十一

林汝永 三首

字君修嘉靖壬午鄉薦官長蘆都轉鹽運使有

南松集

莆風清籟集卷十八

初夏集湖園有懷退齋弟

江南四月麥秋後。正是濛濛梅雨時。朝靄暮煙凝不散。
鳴鳩乳燕漫相疑。登樓悵望青山迥。攬鏡愁看白髮垂。
可惜池塘芳草滿。一春閒過已無詩。

偶題

短髮蓬鬆嬾著梳。接人禮數日生疎。宅邊半畝閒瓜地。
漫課兒童趁雨鋤。

對客狂歌倒酒壺。兵戈去後此生逋。閒身乞得終年醉。

卧看山雲澹若無。

方重耿 一首

字思直號石南嘉靖壬午鄉薦以子賓贈國子
學正

過常思嶺寺

三載真成兩度尋。佛龕燈影動鯨音。川雲淨結千峰午。
海日遙含萬木陰。歲晚征途多倦役。天寒病葉共孤吟。
自憐不似蘓門嘯。欲向中冷洗道心。

黃懋恩 一首

字善推號四愧嘉靖壬午鄉薦官國子助教擢

莆風清籟集卷十八

二

戶部員外有楓餘集

蘭陔詩話四愧與楊椒山友善視權維揚處脂
不潤亦人之所難能也

常山道中

露溼山行徑。雲封野作田。近林聞草氣。踰嶺見村烟。松
屈千年幹。崖懸百丈泉。故人敦舊誼。載酒薦春筵。

柯維熊 一首

字奇符號易軒英子嘉靖壬午鄉薦授龍游知
縣以子本贈兵部員外

山亭

林下幽閒睡起遲。日高亭院幾多時。隔簾恰見鶯聲。繞徑重看花影。移青草合中無客到。白雲深處有僧期。石爐香燼茶煙斷。一榻清風一卷詩。

柯維騏 二十五首

字奇純號希齋英子嘉靖癸未進士官南京戶

部主事有藝餘集

宋錫管云宋遼金元四史惟金史差善其餘濟草牽卒豈

金匱石室之所宜儲希齋宋史新編會宋遼金三史為一以宋為正統遼金附焉升瀛國公益衛二王于帝紀以存統正七國諸叛臣之名以明倫列遺學於循吏之前以尊儒歷二十年而成書可謂有志之士矣其詩文曰藝餘者編宋史之暇所作也

青風清籟集卷十八

三

別黃道卿

菟絲生高松引蔓何累。與子相綢繆詎意此別離。一日如三秋况乃天一涯。斟酌杯中酒薄言展我私。座有慷慨賓授琴歌古詞一歌。行路難再歌長相思請君勿復歌。使我心傷悲。

繁霜肅野草迴颺振城對。胡為子遠行值茲歲云暮。我屨不出門為子臨歧路。子驂亦暫停豈不以我故。我如蒿下鳥子如雲中鷺。動息各有宜安得長會晤。會晤不須期。努力慰所慕。

別陳若寶

出自郭北門。送子遠行遊。人生匪苦匏。鄉土寧久留。念
子宿昔好。婉孌同衾裯。契濶自茲始。川塗邈悠悠。
悠悠江上雲。盤盤澗中石。蹤跡亦何常。寸心詎能易。長
亭一杯酒。相看意脉脉。別後長相思。留歡罄茲夕。
茲夕乃何夕。秋風送微涼。歲晚霜露繁。念子征路長。駕
馬怯遠馳。短翮豈高翔。獨處蓬蓽處。馬增悲傷。
悲傷豈我私。物情有固然。黃鳥自相求。交交鳴樹顛。孤
獸索其羣。嗷嗷啼我前。自非行路人。誰能忍棄捐。

昔風清籟集卷十八

四

棄捐勿復陳。乘時盡努力。小人務懷安。志士恥離色。贈
子蕙蘭花。馨香豈銷息。非無金錯刀。于以勗明德。

雜感

滄海產明珠。幽林茁芳草。無因供採掇。誇美徒自保。賈
生終遠謫。馮唐遇已老。如耕不逢年。誰能致身早。
霜露悴百草。松柏節乃見。志士豈諱窮。浮榮諒何羨。相
彼夸毗子。往々羞貧賤。山鷄羽毛奇。照水自務銜。旁觀
不免憐。岐路輒自眩。緼袍與鷄衣。三復管賢傳。

精衛填滄海。鷓鴣棲一枝。愚者用其心。不免達者嗤。子

孫倘力耕十口可免饑胡以有限年後、瘁體肌少、
戒羸餘此語不吾欺。

人生元有涯。天道常忌盈。晷日豈再中。春葩稀冬榮。嬰
見病傷飽。寵極還自傾。如何履盛滿。弗戢甘倒行。君看
採獲餓孰與。五鼎烹。

壬戌秋讀林侍御潤安閩疏喜而紀之

海疆昔無虞。擊壤自怡悅。老來事多違。烏寇歲侵軼。茲
春歷夏秋。愈覺勢掀烈。邑中鷄犬村。盡化豺虎穴。殺人
積如山。溝渠日流血。逃者屋廬焚。贖者膏髓竭。耕夫與

青風滄籟集卷十八

五

紅女生。望已絕。舊日紛哀鳴。半菽不得啜。怨咨干天
和。只恐無遺子。柱史賈生儔。感時倍嗚咽。力振此邦人。
一疏陳曲折。寬逋蒸簡兵。當宁嘆剗切。人謂今司徒。如
古稷與卨。將無善誦。停徵需罷騷。屑司馬文且武。兩省
曾授鉞。部曲協壯猷。百戰靖全浙。旦夕聞父老。壺漿候
旌節。竚望陽春回。枯木再萌蘖。河漢天上來。洗却氛穢
滅。無勞握粟卜。解我心鬱結。

題顧處士謙甫所藏雪窻畫蘭

幽蘭託根何蕭爽。絕巘懸厓勢萬丈。新秋飽沍風露涼。

江離薜芷羞馨香。馬蹄紛沓上林道。野逕荒榛跡如掃。
無緣採掇克稔幃。獨抱孤芳向晴昊。顧君愛此畫格奇。
良工苦心知者誰。却憶美人卧空谷。援琴載鼓宣尼曲。
雨歇江天淨。山迴驛路邊。客愁新歲減。風物故鄉宜。花
事餘梅蕊。樵歌擷竹枝。祇慙司馬病。深負好文時。

宏路驛

寄文衡山內翰致政歸山

海內論交久。清朝偶共逢。談詩山寺月。拉馬禁城鐘。林
卧余多病。吏情爾亦慵。相望隔秋水。芳訊托芙蓉。

蒲風清籟集卷八

閒居

養性自端居。謀身亦太疎。薄田供紫鷄。矮屋贖藏書。松
亞雲連榻。花深露濕裾。尋常來客少。非是慕逃虛。
石牀便偃卧。白日掩柴荆。池淨鷗雙下。松深鷲一鳴。懶
因閒轉劇。心與境俱清。述作曾何益。無勞薦馬卿。

歲晏

十載卧滄洲。居然成白頭。光陰雙過鳥。天地一虛舟。江
冷魚龍寂。山深麋鹿遊。懷人歲復晏。徙倚夕陽樓。

送賈司訓賓峰

談經初筮仕。拂袖蚤歸田。拙有閒居賦。貧無坐客錢。茅齋三逕雨。野艇五湖煙。世路誰知己。青峰是舊緣。

秋日題木蘭山人幽居用舊韻

草屋臨蘭渚。悠然稱遯栖。鶴聲秋浦外。鹿跡野橋西。深
蘇迷樵逕。低雲護藥畦。芙蓉可憐色。勿遣委沙泥。

秣日遊林退齋讀書圍次林西谷韻

市遠喧俱寂。天清境倍幽。水禽將子浴。簷樹著花稠。竹
日娟娟淨。葭雲裊裊浮。夕陽宜野色。更上最高樓。

和張東沙大參見贈

普風清籟集卷八

七

豈羨身兼吏。隱名不妨辭。祿早歸耕山。中流水清塵。夢
樹底閒雲伴。獨行稽叔。尋僊緣尚淺。馬鄉游宦老。無成
相逢何意。薇垣客車筮。還勞憶舊盟。

九日集東山

登高直到石巖巔。滿目雲山秣可憐。僧影夕陽紅樹裏。
蘆花野水白鷗前。寒天搖落仍幽事。淨社招攜有宿緣。
共把溪盃對叢菊。不妨短鬢趁流年。

題翠峰卷次韻

愛汝幽居同謝朓。連峰飛翠拂簷來。蘼蕪江路逢人少。

鳥雀柴門傍竹開藥草千畦新雨足桂叢疊嶺亂雲堆
物華管領閒身在拄杖吟詩步綠苔

春集東山

鐘梵聲中白日遲石門試和謝公詩綠陰滿地移蒲坐
時有藤花落硯池

方一桂一首

字世芬號霽峰嘉靖癸未進士授蒲圻知縣諫
宣城入為廣東道御史建言拜杖贈光祿少卿

蘭陔詩話霽峯與弟西舉同捷南宮霽峯直言
敢諫兩次拜杖西舉亦以議禮予杖可謂元方

昔風清籟集卷十八

八

難為兄季方難為弟矣

挽為齋弟

半生肝膈汝偏知懷抱如今欲吐誰恨不蚤窺修短數
別時添泪訣江湄

方一蘭三首

字世佩號西舉嘉靖癸未進士歷官禮部郎中
議禮拜杖有少微堂集

留雲洞

望瀨溪水幽雲峰林驅我輕舟車遲日載登臨梧

竹手移植。麋鹿相追尋。依青楓對。嚶好鳥鳴。我興
寄寥廓。斗酒聊自斟。解衣坐磐石。撫我膝上琴。彈作招
隱曲。琅然太古音。瑶草生幽澗。瓊芝發芳尋。他時畢婚
嫁。長此棲雲岑。

金陵雜咏

清涼山上翠微宮。梁主遊觀駐此中。祇今野寺蕭條甚。
指顧江城帝業雄。

高皇陵寢在鐘山。山下松楸杳靄間。金殿寂寥弓劍遠。
千官奔走淚潺湲。

昔風清籟集卷十八

九

林文華一首

字質夫嘉靖癸未進士官瓊州知府

九鯉湖

雲封古洞鯉湖東。積翠層陰一徑通。萬樹嵐光連遠嶂。
千林夜色動寒空。峻嶒石壁猿聲外。湫澗山泉鶴唳中。
就此談玄無不可。十洲何處覓仙踪。

陳麓一首

字和韶嘉靖癸未進士歷官尚寶司卿

蘭陵詩話和韶司李杭州日平擬獄抑閣監最
聞擢刑曹後以建言忤嚴分宜罷歸其人品可

樂見矣

謁唐君祠

攬勝來登高士臺。獨依叢桂重徘徊。峻嶺遠嶠奔兼伏。
漠漠寒潮去復來。玄鶴西歸千嶂夕。長鯨東撼百川迴。
知君亦是隨光侶。今古空令嘆逸材。

朱 漸 二十六首

字必東號損巖正德丙子鄉薦第一嘉靖癸未
進士授湖廣道監察御史建言廷杖放歸有天

馬山房遺藁

林雨可云損巖下筆清健一種踈
宕之氣足以移人性情 朱錫鬯

蕭風清籟集卷十八

十

云損巖詩無俗韻誦之想見其人

蘭陔詩話損巖與馬師山同批逆鱗幸得不死
歸隱天馬三十餘年自謂罷官之歲適與靖節
相符園中多植菊花每開時必作數詩以紀歲
月其詩春容和粹無窮愁牢騷語雖不規撫柴
桑其興趣政自相同也

歲暮山中

種梅山逕邊。下有牛羊道。童豎恣攀翻。糾纏易枯槁。殷
勤謝鄰翁。愛此寒花好。放牧須前山。前山足豐草。

飲黃石友人黃正可勉青亭和師山題壁

漫影落名山。歲月累云周。如何咫尺地。茲亭今始游。小

艸。骨。庭。戶。寒。花。明。牆。陬。櫺。高。對。聲。蕭。然。似。林。丘。西。風。
天。欲。暮。雨。意。鳴。靈。鳩。主。人。有。好。懷。開。尊。更。獻。酬。相。與。各。
賦。詩。談。笑。銷。百。憂。愛。此。同。遊。人。俱。維。靜。者。流。去。簪。誠。足。
樂。萬。事。吾。何。求。

寒宵步月

閒。愛。清。宵。長。老。畏。白。日。速。羲。和。無。停。鞭。光。陰。雙。轉。轂。餘。
生。知。幾。何。撫。景。胡。不。樂。蝸。涎。聊。自。濡。人。心。苦。不。足。良。宵。
成。獨。遊。皓。月。當。秉。燭。

鷄。犬。無。一。喧。暝。色。四。郊。靜。東。峰。青。松。枝。高。掛。白。玉。鏡。仰。

蒲風清籟集卷十八

十一

視。天。無。河。屋。角。橫。斗。柄。寂。寥。靡。所。歡。清。虛。愜。情。性。商。頌。
有。遺。音。琅。然。發。孤。咏。

題小景

江。南。多。僂。山。歷。々。挿。晴。昊。歲。晚。無。嚴。霜。山。寒。色。更。好。綠。
崖。見。紅。花。涉。逕。得。綠。草。高。寺。憶。遠。公。玄。談。事。幽。討。鳴。鶴。
飛。青。松。曾。見。此。樹。老。人。生。難。百。齡。行。樂。苦。不。蚤。委。運。任。
去。留。身。閒。以。為。寶。

與王筆峰贈別

昨。日。迓。君。南。山。南。今。日。送。君。北。山。北。五。日。十。日。留。使。車。

千山萬山動行色。二十載冠登漢朝。三十金帶光橫腰。
四十煌煌將使節。柏臺薇省揚清標。只今年華未五十。
精神意氣誰能及。揮鞭躍馬蒼梧來。萬里咫尺風煙開。
黃金臺前拜天子。傾倒盡交天下士。文章器業時共珍。
丈夫特達有如此。我忝清朝侍從臣。摧顏鮒轍一窮鱗。
生還北闕誰將引。老去他山空復春。城市山林各所遇。
坎止流行無定據。世途詰曲多波瀾。邱壑寬閒足雲樹。
新霽嵐光路不分。欲別未別心氤氳。執手何由表情素。
剖贈山中一片雲。

昔風清籟集卷十八

十二

寄吳一蒿別駕

一別都門道。生涯各轉蓬。相逢重把臂。多病已成翁。附
驥思前日。冥鴻想下風。看山朝撫几。拄頰五侯東。

贈孫芝溪精岐黃之術

公子有奇好。芝溪靜卜居。還從塵外境。細讀枕中書。短
屐春山裏。長鏡秋雨餘。欲從問真訣。何以愈迂踈。

遊山

開年初二日。停午不雲時。拉伴無前約。探春恐後期。松
寒聞子落野迥。見人稀。風物供登眺。母嘲踈去遲。

題山房

北極煙霞迥。西軒水石寒。何李棘栗里。前夢說邯鄲。涉世情偏嬾。讀書興未闌。猶餘明主戀。炯寸心丹。

贈田希占憲副

千里迢迢訪敝廬。分携已是十年餘。空山老去長相憶。前日人來不得書。川上風光原自好。林間心思近何如。江梅未得春消息。贈汝雲安雙鯉魚。

贈豐山陳子庭

我愛豐山無俗韻。時來往小齋中野情。自此天隨子。詩句多師陸放翁。環堵蕭然無一物。才名早已動諸公。長吟盡日不知厭。興入冥冥海上峯。

寄尤溪劉環

把袂他年君別我。題詩今日我思君。只應共照三秋月。何處相逢一片雲。世事都成蕉鹿夢。野情已入海鷗群。舊時回首人千里。翠壁丹峯夕靄曛。

和東坡獄中寄子由二首

澹烟芳草共萋萋。繚繞長堤極目低。素食已應慚仗馬。生還那敢望金鷄。一犁獨把無遺業。萬里携孥任老妻。

日暮愁心何處。是八壺東畔五侯西。
落魄長安不見春。百年榮辱夢中身。堂。歲。月。雙。蓬。鬢。
碌。乾。坤。一。旅。人。海。內。交。親。閒。屈。指。天。涯。回。首。正。傷。神。
秋風阻水渾無賴。南望湖邊又問津。

同馬師山入城夜棘

初寒不寒氣尚暄。欲雨未雨天茫然。城市經秋試一到。
野田把手行相牽。向來許國幸無死。老去爲農逢有年。
曠色歸輿山路杳。候門松火竹籬邊。

贈大田范玉溪

莆風清韻集卷十八

十四

我愛玉溪子。放舟玉溪上。蕭。蘆。菽。秋。明。月。恰。相。向。

嘉靖乙巳紀事

大麥焦枯小麥黃。遺黎何處訴穹蒼。人間度日長如歲。
可耐春添閏月長。

踈燕飛。海上郵。晚晴那復散。鷄豚楓林社。日無香火。
風雨瀟。暮打門。

五侯山下八壺前。二月風光搃可憐。可是今朝一百六。
人家幾處斷炊烟。

西渠水亭

高柳陰。半掩扉。平田水滿鷺鷥飛。小江風物堪圖畫。
落日漁舟。蕩槳踪。

矮作垣墻小結廬。一泓春碧湛西華。花開醉喚客當酒。
竹裏卧聽兒讀書。

瀟灑前村玉萬竿。冥冥江色暮雲寒。偶然風擺高枝亞。
盡露天南百尺山。

題章三洲小景

海上丹山碧樹邨。依稀風景似桃源。春深古路無來往。
負嶮人家靜掩門。

莆風清韻集卷十八

十五

簇簇沙頭繫短篷。招提深處暮聞鐘。板橋不渡蒼苔滑。
滌滌江潭烟雨中。

草堂前芙蓉正吐口占

清霜一夜老薰葭。牆角芙蓉漸着花。猶憶昔年江上看。
西風吹夢客思家。

姚文炤一首

字在明號虛谷嘉靖癸未進士官浙汪左布政

遊囊山寺

爲愛登臨眺海天。不嫌絕磴費扳緣。石林礙日翻疑曉。

墨蹟封苔莫辨年。崑谷幽中留伏虎。辟支深處現真仙。
寂憐山靜紅塵遠。惟有清風到酒邊。

鄭弼三首

字諧甫號棠泉正德己卯鄉薦第三嘉靖癸未
進士由工部郎中出知雲南府

蘭陔詩話吾鄉自山齋翠庭諸公結逸老會後
嘉靖中康礪峯復舉社會預者八人鄭棠泉知
府年七十八雍見川少恭年七十七陳淇塘知
府年七十六林南松運使年七十五柯希齋主
事年七十四林方渠知府年七十二康彌峯尚
書年七十一林退齋尚書年六十九時人稱為
八仙會林退齋首倡八仙歌諸老皆和之庶幾
可追香山洛社之盛云

首風清籟集卷十八

途中即事

寒澗水清淺夕陽古渡斜。雁聲投渚落馬足去途賒。東
野憐貧病杜陵遠室家。不才甘廢徙蹤跡半天涯。

惜昔

昔日明光醉碧桃。上方餘瀝染宮袍。春融邃閣麒麟壯。
雲護巍樓鷓鴣高。東華淑氣催金萼。西苑松聲起雪濤。
九十老臣無限思。不堪遲暮夢瀟灑。

夜坐

獨樹風漸生。四郊雨初歇。何處隔山鐘。聲帶明月。

黃希韶 一首

字如韶嘉靖壬午鄉薦官常州通判

訪東村叔歸定山房次韻

鳳友鶴汀

秋日懷高論。有興入碧山。撥雲尋古道。十里度松關。竹
覆青溪暗。巖澗石徑灣。流連耽野趣。陰晦亦忘還。

俞獻可 一首

字士議號三石嘉靖乙卯鄉薦第四官靜江知

縣

留城

青風清簾暮未入

一七

韓仇已報便疎休。千古留城水急流。記得淮陰當日事。
良弓高鳥使人愁。

妹自寒窗倚着身

九十借東林妹體安

夜半吹踏嘉穀壬午臘藏官常川直隸

黃希韶

一首

莆風清籟集卷十九

漢川程廷棟松溪

參訂

文安陳鳳友鶴汀

里中後學鄭王臣慎人一字輯選

同里陳鳴鳳正丹校閱

明十二

林雲同十六首

字汝雨號退齋嘉靖丙戌進士改庶吉士歷官

南京刑工二部尚書贈太子少保謚端簡有讀

莆風清籟集卷十九

書園集

蘭陔詩話退齋屢忤權相無心仕進五疏乞歸
構讀書園于小西湖側集諸生講學嘗誦孟子
人有不為而後可以為之言終身佩服不諛
論者以為自林貞庸後一人而已詩亦流暢

遊九鯉湖

捫蘿度深篁懸磴驚如練雲扃忽以開觸目坐成眩危

石瀉銀流百丈垂楚練咫尺對珠簾噴薄日相濺萬壑

爭危喧千巖競葱蒨石城亘長空縹緲駕瓊殿

鄭棠泉太守招飲棠林

棠樹參天碧溪流帶嶺分濛濛青不斷漠漠靜常聞壺

華日相對。鳧鷗各自羣。洞幽存怪石。牆短度浮雲。徑繞陶園菊。巖鐫漢隸文。臨觴增慨慷。徙席轉殷勤。氣爽衣嫌薄。情欣日任曛。乘舟還取醉。燈火故絲₁。

月下聞遂懷李荊州

吹笛何淒切。中宵獨自聽。故人千里外。冬樹幾迴青。終曲堪腸斷。臨流忽涕零。相思期努力。玄髮尚娉婷。

贈方君敬員外納妾用吳明卿太守韻

一自求仙去。言從入海回。春雲流錦帳。素月下瑤臺。舊曲詞桃葉。新香識夜來。吹簫如可聽。雙鳳莫驚猜。

首風清籟集卷十九

二

客懷無賴呼兒諧姪子文侍飲偶吟

老去情多累。憂傷奈復情。落花牽短絮。白鳥下青苹。執簿吏人散。堆牀經帙橫。得歸應計日。庶用度餘生。一官今已老。再疏欲陳情。回首燕雲迥。關心湖水平。鶯聲風送暖。池影竹留清。此意同誰語。題詩待月明。

賦歸

幽居十八載。宦興已殊違。一旦逢新詔。三遷向紫微。同袍無可數。故老亦云稀。回首滄江晚。山雲欲滿衣。夏雨方舒鬱。秋苔遂積陰。感茲日月迅。兼以雪霜臨。作

宦心無競退耕力可任湖山相映處玄境不須尋
得歸志喜

久困微名累。低吟媿此生。即今煙樹裡。那復世人情。薇
蕨雨餘長。溪山月下清。興來何所往。時自傍湖行。

和伯兄南崧招飲

歲月山中靜。雲峰雨後奇。澗花紅疊葢。堤柳綠垂絲。幽
趣時同適。名流總可師。須知今日飲。不負百年期。

遊玉澗和家他石韻

出郭神應豁。登臺氣益涼。峰迴青入座。澗曲碧流觴。林
鳥迎風轉。池荷映日香。碧筒猶屢勸。待月恣徜徉。

莆風清籟集卷十九

三

棗林晚泊

魯橋南下日西征。細棗林幽百鳥鳴。綠樹紅雲山外影。
清簫畫鼓水中聲。迎風野澗秋霄靜。倚檻潮平海月生。
萬里不辭常作客。沙鷗汀鷺故多情。

方君敬員外招飲有賦時同避地

詎期作客逢今日。轉憶當年在故山。明月忽來如有約。
深杯數倒不知還。燭花掩映人聲寂。城柝參差旅夢閒。
為語樵川諸父老。昔賢流寓可誰班。

避地樵川吳明卿太守詩來相問次韵答之

曳杖行歌樵水濱。却憐衣履久緇塵。蒼茫歲月容吾老。
報答乾坤贖此身。遠雁有情常繫足。滄江何處不通津。
七星臺館猶堪借。三楚才華是故人。

贈戚元敬少保

銅柱天南將畧奇。涼風肅。動牙旗。邊列陣。驅雲鳥。
海國長城集。虎貌縮。玉官高。功更懋。圖形廟在衆。何私。
巨鯨微賊遙爭遁。已說威名絕島知。

暮春伯兄南崧都運招會雙池園亭

蒲風清籟集卷十九

四

雙池亭館尚依然。載酒全遊興自偏。早遂初衣今老大。
翻憐多難此生全。萋萋芳樹鶯聲度。湛湛寒塘石影懸。
自是春來多夢句。追隨杖屨愧惠連。

鄒守愚一首

字君哲號一山嘉靖丙戌進士歷官戶部左侍
郎贈都御史謚襄惠有侯知堂集

蘭陔詩話襄惠歷官中外俱著能聲廉靜寡欲
性耽經籍著述甚富嘉靖乙卯山陂地震奉命
往祭河嶽行賑恤馳驅七十餘日祭告殆遍賑
給萬餘家積勞而卒

宿少林寺同華嚴少叅西谷僉憲

瑤草香生徑。金疊喜得朋。良遊非易遇。勝景更同登。
下盤飛鶴鐘。催入定僧前。朝多古蹟。高檜尚殘燈。

方宗重 一首

字任之號隅塘嘉靖戊子鄉薦官湖州通判

南都擬乞養感賦

官齋獨坐對斜暉。朝夕高堂正望歸。
春深谷口藥苗肥。空憐世路三千隔。却訝人生七十稀。
北向何心酬壯志。衡茅長戀老萊。

鄭大同 三首

蒲風清籟集卷十九

五

字皆吾號于野嘉靖己丑進士授行人擢吏科
給事中陞都給事中歷南京通政司通政太僕
太常大理寺卿陞刑部右侍郎贈尚書有居侯

堂集

蘭陔詩話公居諫垣日私舍與嚴分宜連牆未
嘗投一刺楊忠愍又為公門下士往來甚密以
此見惡分宜留滯南都多年始入為少司寇會
冢宰李默為趙文華誣奏繫獄公有意護之分
宜遂指為李黨罷歸家近官牆每出必入謁卒
之日有人見公服茜袍拜廟門內出度橋忽不
見詩亦渾厚似其為入

遊金山

九折趨溟渤。金鰲勢欲吞。孤根出竈窟。一柱控龍門。石影秋逾瘦。江心夜不昏。蓬萊吾已得。應不數崑崙。

遊囊山

斷橋淺水泊輕舟。山色催人汗漫遊。石洞陰聯千嶂靄。風濤響送半江秋。入林雲氣流僧鉢。隔水漁歌亂野謳。一笑尊前聊自慰。人生何必羨封侯。

天游觀

輕輿斜日上高峰。瘦竹疎花萬壑風。獨鶴一聲松影亂。月明人在白雲中。

昔風清籟集卷十九

六

鄭

網六首

字子尚號葵山嘉靖己丑進士歷官兵部右侍

郎總督兩廣

蘭陔詩話公與兄于野並列卿貳里人榮之謙抑自持不以門望驕人待故交白首如新詩亦清逸可愛

小金山

海嶼深藏寺。江流曲抱臺。遙天孤鶴下。落日一樽開。風物蕭森後。雲山縹緲來。蒼然平楚色。極目竟悠哉。

遊甘露寺

昔聞甘露寺。今得上崇岡。複道松陰合。迴廊蘚跡荒。城
臨鐵甕盡。樹遶海門蒼。滾滾長江去。東流殊未央。

黃田驛次韻

江閣新晴停翠蓋。松陰日午坐層軒。春山入戶飛嵐濕。
古樹當門白晝昏。處處菑田燒野火。家家截竹引流泉。
旅愁竟日驅長路。客思無端只故園。

秋懷

高風秋露始淒淒。蓼岫蘋洲晚不迷。霜冷正愁寒練急。
月明應照夜烏栖。故人尺素經年斷。薄暮清尊對客携。
醉裏高秋聊引望。芙蓉江上夕陽西。

莆風清籟集卷十九

七

壺山蘭水望悠悠。白雪淩其草木秋。萬里鄉關餘涕淚。
百年湖海夢交遊。霜前踈柳蕭蕭落。水上寒雲淅淅浮。
莫怪登樓賦懷土。秋風偏感仲宣愁。

宿桃花渡

片月冷黃昏。家靜掩門避秦人。不見山犬吠江村。

魏一恭一首

字道莊號立峯嘉靖己丑進士授温州推官轉
蘇州同知擢刑部員外謫潮州通判轉揚州同

知陞廣西提學命事累遷廣西左布政使

蘭陵詩話立峯剛直不畏強禦為司李時置張
璉姪於法及入西曹復按巨璫羅生平不苟取
沒時圖書之外無他物事具海忠介政事錄中
著作散失僅存咏松一詩已可見其特立之操
矣

咏松

偃蹇老龍姿。挺然出巖側。歷盡雪霜寒。不改舊顏色。

陳光明 一首

字道昭號雲漢嘉靖乙酉鄉薦官太僕寺丞

九鯉湖

莆風清籟集卷十九

水落湖空草木哀。分明我亦夢中來。爭竊無據閒相較。
覆鹿還忘祇自猜。洞府煙霞移海嶠。中天星斗接樓臺。
僕人又矣成真覺。綠樹青山漫作堆。

陳光華 二首

字道蘊號竹庄光明弟嘉靖乙酉鄉薦己丑進
士授初門知縣陞戶部主事累遷山東運使雲
南左叅政

九鯉湖

深爾尋真步石階。白雲片點蒼苔。松花鶴動因風舞。

湖水龍翻作雨來。黃獸難求充藥鼎。青藤聊拄訪丹臺。
何家仙子今安在。曾向人間唱可哀。

霽雪

疎梅幾樹盡生芽。霽雪初殘噪墨鴉。飄綴松梢珠點翠。
凍凝水面玉雕花。消沉麥隴春將動。傾瀉茅簷日漸斜。
驢背吟肩寒起粟。青帘邨舍酒堪賒。

黃思從 一首

原名曰又以字行號慎所嘉靖中歲貢生官魯

府教授

昔風清籟集卷十九

九

蕭該詩話慎所鯨田曰魯王送以詩云詩宗黃魯直才擅賈長沙慎所曰長沙所不敢當至於聲詩實不願比魯直也王笑謝之吟咏甚富感以錦囊為穿窬竊去

遊靈應觀

竹裏開門掃落花。穿雲又到羽人家。潮回遠浦層層雪。
秋染霜林樹樹霞。九陌塵中看世界。半生忙裡度年華。
溪頭却羨幽居子。終日垂綸坐釣槎。

鄭槩 一首

字養吾嘉靖中恩貢生官隨州學正

婕妤好怨

莫障明月光。長門照妾愁。誰憐舊恩寵。團扇不勝秋。

方正梁 一首

字兆之號藥峰嘉靖辛卯鄉薦官國子監學正

陞趙府長史

蘭陔詩話藥峰早孤事母以孝聞及為趙府長史康王雅喜詞賦藥峰獨為講性命之學王有寵妃徐氏卒悼念不已諸詩入爭賦挽歌藥峰不作王諫之曰昔盧詢祖嘗挽趙郡王妃孤今讀其逸使藪臺下明月滿空床之句輒為涕下詩易感人如此先生何不同諸客賦耶藥峰終不肖作

示浩淇二子

莆風清籟集卷十九

十

薄宦不辭貧。相隨多苦辛。未歸陶徑晚。徒羨謝家春。書劍從時好。行藏憶古人。莫將疎懶意。空負百年身。

姚虞 一首

字宗舜號澤山嘉靖壬辰進士官湖廣巡按御

史有焚餘詩集

蘭陔詩話澤山憫勳襄河南流氏之苦為圖十
二以聞人比之鄭介夫遺集不傳從浮羅山志
錄得二律

洗少汾讀書臺

卜築煙霞外。幽棲豈避名。小窓惟讀易。竹院每逢僧。倚

閣峯相對當秋月。自明閒雲來洞口。盡日鑽柴扃。
猿鶴長為侶。光陰不記程。長歌忘律呂。高卧傲公卿。
遠翠晨侵席。疎禽晚傍楹。緩尋芳草去。時向柳陰行。

雍 瀾 二首

字斯道號見川嘉靖壬辰進士官廣東叅議

八仙唱和歌

崇林茂老艤雲泉。參差樓閣橫蒼煙。爐中丹藥誰所傳。
至今八十顏猶妍。退齋文辭注長川。終日釣簾草太玄。
曾侍玉皇香案邊。綠野鯨來意豁然。淇塘勇退世稱賢。

莆風清籟集卷十九

十一

萬石家風樂事全。趨庭舞綵冠珥蟬。中丞早着祖生鞭。
南松老子福澤綿。青綈結綬司權權。門闌雖鳳齊騰鸞。
九苞五采相後先。希齋史筆追談還。圖書萬卷費鑽研。
徵車日夕相招延。科頭箕踞東山前。方渠胸次淨且淵。
清聖濁賢日周旋。人間俗累皆棄捐。珊瑚玉樹枝柯聯。
礪蹄清才誰比肩。玉堂風月入詩編。江湖廊廟景無偏。
尋梅調鶴歡流連。野人招隱小山巔。金龜脫去無所牽。
北窓遲日跂足眠。錯被人呼作散仙。

七夕前一日作

浣紗溪畔已殘荷。未遂初衣製薜蘿。黃菊花開心事少。
斷鴻聲起。夢魂多。遙天一色看連水。後夜雙星想渡河。
愧我林泉辜負久。銀塘咫尺不曾過。

周瑞二首

字循典號東峰嘉靖壬辰進士官大理評事

元夕有懷

薊門春色記分携。見月懷人思轉迷。雅意未酬青玉案。
酣歌漫唱白銅鞮。六街霧合香車過。萬戶星懸列炬低。
夜半輿關聊着枕。梅花和影到窓西。

青風清籟集卷十九

十二

寄朱廬州

聞道名邦控上流。分符况屬使君遊。兩鄉羈宦同為郡。
千里懷人獨倚樓。春樹暮雲勞遠夢。疎砧白雁訝新秋。
習池舊事應難似。好寫佳詞瀾別愁。

唐時雍一首

字子協嘉靖辛卯鄉薦官淮安通判

九鯉湖

辰齒雙。破蘚痕。桃花幾樹映斜曛。老來最愛山中景。
流水淙淙抱白雲。

材應采 二首

字君白嘉靖甲午鄉薦官南寧府同知以孫克

俞贈太子少保禮部尚書有東臯吟藁

蘭陵詩話東臯歸田日結木蘭塗杜預者為鄭
僉憲東白方異外攸躋徐郎中觀濶方給事萬
有鄭按察茂邛寺丞秉文鄭員外整鄭布衣盧
南黃布衣天全每月為集授簡分題筆墨飛騰
篇章流布洵一時之盛事也

過瞻鳳亭懷故中丞若雨

蕙蕪一徑草萋萋。愁絕山陽路欲迷。猶有黃鸝能愛客。
聲。祇在柳塘西。

蕭風清籟集卷十九

贈歌者毛生歸楚

亂餘海上尚烽煙。大將龍旂又北還。我亦無家飄泊者。
江。湖。何。地。覓。龜。年。

黃廷用 二首

字汝中嘉靖乙未進士改庶吉士歷太子洗馬

遷工部右侍郎有少村漫稿

姚園客云莆士大
夫多戴布帽黃洗

馬請餞歸過一驛。丞見其布帽復不知洗馬
是何官乃自前席且問公一日洗幾馬黃謬答

曰亦如公一日撥幾馬耳先
進遺風作揚文藝
事豈一事而好事者借言歟

過呂梁洪

砥柱能東障。洪梁過上流。一宵風雨至。萬頃水雲浮。野
樹全低席。人家半在洲。所嗟多蕩析。禾黍已無秋。

塞上歌

生長幽燕慣戰袍。少年自許五陵豪。沙隄榆柳春仍綠。
走馬清陰弄寶刀。

康大和 五首

字原中嘉靖乙未進士官南京工部尚書有礪

峰集

蘭陵詩話礪峰在翰苑二十年開戶著書屏跡
權門人譏其拙作拙宦對以述志與閔中王槐

蕭風清韻集卷十九

十四

野齊名人稱康王致仕時值莆中倭亂寓嘉禾
四年始歸其詩有白髮多情催我老青山無地
是吾家庭堆白骨人蹤少鬼哭荒村日色昏燕
子不知舊壘破呢喃猶向故園歸皆凄婉可誦

擬古

老馬歷長途。筋力今已疲。况復經險阻。何以效馳驅。千
金昔蒙盼。末路惜差池。獸慚芻秣恩。深負主人知。顧已
良自惜。咄嗟安足辭。

昔有武夸君。尋真入蓬島。九曲鑿白雲。塵蹤距能到。僊
掌護元闕。雞犬鳴丹竈。我欲從之遊。溯洄拾瑤艸。從此
訶垢氛。聊以豁懷抱。不同俗士言。可與識者道。

仲秋國學陪祀

吾道宮牆在。清秋雨露多。禮分三獻。肅樂奏九成。和夜
靜。傳金柝。庭虛聽玉珂。歸途燈火遠。星斗耿河。

寒食作

春入滄浪覓釣舟。淡雲疎雨正悠悠。文成祇有窮難送。
老至應知歲不留。養鶴尚憐雙口累。看花聊減半生愁。
思家無計青霄立。矯首高城月滿樓。

苦熱

午夜沉。鬱不涼。竹床水簟汗如漿。空庭露坐渾無寐。

昔風清籟集卷十九

十五

幾點螢飛過短牆。

鄭芸一首

字士馨號虛亭嘉靖乙未進士由上虞知縣擢

監察御史

蘭陵詩話公宰上虞後首入冠有全城功召為
柱史與同年陳時偕俱劾嚴分宜奪秩出按粵
西取道省觀卒于家觀移寓一詩頗垣殘瓦餘
無事之壞惡竹喻分宜幽蘭自喻閒寂喻朝廷
無人憂國之
沈已畢見矣

移寓玉河

近市苦湫隘。臨河移寓新。顏牆防雀角。殘瓦補魚鱗。惡

竹。應。須。斬。幽。蘭。自。可。紉。翻。嫌。鄰。舍。少。閒。寂。卷。無。人。

陳策一首

字時偕嘉靖乙未進士官監察御史以劾嚴嵩
出知台州尋罷歸

九鯉湖

羽人昔去不復還。湖上還傳九鯉仙。流水閉雲空。裊裊
碧桃春。草自年年。即看蘿洞招真隱。剩有丹邱認宿緣。
中夜夢殘樓閣迤。一聲海鶴上青天。

鄭富一首

昔風清籟集卷十九

十六

字中虛號若齋嘉靖甲子鄉薦第二乙未進士
官潮州知府

送馬從甫還莆

握手難為別。裘衣雪水涯。書俱題白練。酒共對黃花。歸
思懸繁弱。雄心歛鑊。壺公知不遠。送爾躡層霞。

鄭質夫一首

字子質嘉靖乙未進士官石阡知府

過柳橋亭

數載重來路已迷。野亭寂寞鳥羣啼。垂楊似幙千絲暗。

芳草如茵一色齊

方一梧一首

字世培號蒲峰嘉靖中歲貢生官烏程訓導

別同吾五弟赴選

朔鴻暫向斗南飛影入蒼溪蟹正肥
莫雨連床鼓自劇
池塘芳草夢相依津亭風迅雲凌袖
驪唱歌翻恨別微
鞞聊上林重振采忍從原上盼斜暉

黃拱幹一首

字

嘉靖中諸生

蕭風清韻集卷十九

十七

九鯉湖

丹砂藥竈已成空鍊石餐霞意轉真
自信生來邱壑相
白雲深處問仙津

方夢雲一首

字應瑞號碧溪嘉靖中諸生有淇園集

咏雪效梁人體二十韻

三春占協氣一夜積琅玕帶雨忻初煖
迴颺怯凜寒微
茫宵映月紛錯曉連霞澹泊千峰意
悠揚萬里翰方俾
崑壁合圓似蒲林圍瀟灑塵氛淨
鴻濛大素完高低隨

地湧。遠近接天搏。猿騎新來道。漁叢乍去磯。凌空繡玉
烏承露。溢晶盤。夜灑林。翅。疑。注海。瀾。近梅。凝。前。復
簾竹欲成珊。采楫離何苦。吳舟與自寬。入瘴。衰。盡。白。吟
趙履如漫攸。兔。迷。前。窟。蹇。驢。跋。故。密。苦。吟。驚。首。皓。狂。飲
不顏丹。僧舍烹初沸。歌樓舞未闌。成城思挾纜。別殿愁
輕熱。公子奢。烘獸。佳人巧。削鷲。故窺。表。更。則。更。樓。子。桑
餐願展洛陽被。長為八極歡。

黃休復一首

字守敦號見心嘉靖中諸生有聲齋集

蒲風清篋集卷十九

十八

北城晚眺得蕭字

孟冬風日晚蕭蕭。獨上高城望眼遙。綠野雲黃禾乍斂。
青林霜白葉初彫。孤踪亂後餘雙鬢。三徑開時共一瓢。
海外羽書聞轉急。令人翹首霍嫖姚。

邱其智一首

字嘉靖中布衣

九鯉湖

鯉湖名勝幾千秋。四十年來兩度游。山色畫教花草
溪聲猶是古今流。三花五石躑中鼎。明月清風共一樓。

我欲遠尋仙子會。蓬萊有路白雲頭。

昔風清籟集卷十九

十九

01923

